


Cumpradornan stranhero y Airbnb: Un menasa creciente pa mercado di vivienda Arubiano



Pagina 3

- **Gabinete AVP-FUTURO** kier demostra cu Aruba ta un partner serio y confiabel den Reino

Pagina 4

- **Desaroyo responsabel y naturalesa mester coexisti**

Pagina 6

- **Estudio nobo ta revela dicon condicion fisico despues di parto ta un lucha pa mamanan**

Pagina 7

Segun DNM:
Tiramento di bestia den area di
Santana di Cacho ta birando un
problema



Pagina 4

Documental nobo ta resalta
homofobia na Corsou



Pagina 9

Argentina:
IMF ta cera
acuerdo riba
rescate di
\$20 biyon



Pagina 10

Secretario di Estado Zsolt Szabó a cera conoci cu Gabinete AVP-FUTURO durante su di dos bishita oficial na Aruba

Manera ta conoci recientemente Secretario di Estado pa Digitalisacion y Relacionnan di Reino, Zsolt Szabó, a bishita Aruba den su di dos bishita di trabou oficial. Durante e bishita aki Secretario di Estado Szabó a cera conoci cu Gabinete AVP-FUTURO y ademas a asisti algun otro actividad.

E bishita di trabou a cuminsa diahuebs 8 di april caminda el topa, entre otro, cu e ministernan di gabinete nobo, Gabinete AVP-FUTURO, bou liderazgo di Mike Eman, cu a tuma poder recientemente. Apart di un dialogo cu e ekiponan di minister nobo, e Secretario di Estado a combersa tambe cu miembronan di Parlamento di Aruba.



E bishita di Szabó na Aruba ta tambe den marco di bon gobernacion y den contexto di esaki e Secretario di Estado a asisti un lezing di Mieke de Droog, directora di programa di Instituto Arubano pa Bon

Gobernacion y Liderazgo, na Universidad di Aruba. Durante e evento aki Secretario di Estado Szabó a participa den un sesion interactivo di pregunta cu studiantenan.

Autonomia economico ta un di e puntonan principal di Szabó, hunto cu bon gobernacion y finanzas solido. Pa motibo di esaki, Szabó a haci tambe durante su bishita e apertura oficial di e filial nobo di e compania di instalacion tecnico Pro-Tec cu recientemente ser compra pa e firma Hulandesa Van Dorp, y ta specialisa den enfriamiento di edificio usando awa di lama.

Esaki ta e di dos bishita di trabou oficial di Secretario di Estado Szabó. Primera-mente el a bishita e Centro di Gobernacion pa asina cera conoci cu e ministernan di Gabinete AVP-Futuro. E bishita a inicia cu un reunion entre Secretario di Estado Szabó y prome minister Mike Eman, hunto cu minister di Asuntonan di Reino, Gerlien Croes, sigui cu un presentacion formal di henter e gabinete.

Mediante un comunicado di prensa Gobierno di Aruba a informa cu durante e reunion a trata e futuro di e relacionnan den Reino for di e perspectiva di e gobierno nobo, discuti topiconan importante pa Szabó y cu ta den liñacu e vision di Gabinete AVP-Futuro. "A reconoce un fundeshi solido pa reforsa e lasonan den Reino riba un base di respet mutuo y beneficio comparti, un "win-win situation" pa Aruba y Reino," e comunicado a indica.

Segun gobierno ta inidca, Hulanda ta mira den direccion di Aruba pa sondea e arenan di cooperacion banda di local tin caba na palabracion den e Landspakket y Rijkswet cu lo bin. Gabinete AVP-Futuro ta para pa un vision amplio di desaroyo, cu ta pone enfasis riba un crecimiento socio-economico sostenibel, den cual Hulanda por sigui tin un rol prominente.

Segun e comunicad, pa Secretario di Estado Szabó, e concepto di autosuficiencia ta crucial: "un Aruba cu ta para riba su mesun pia den un cooperacion igual cu Reino Hulandes, basa riba fortaleza socio-economico."

Como parti di e tema di autosuficiencia, prome minister Eman a invita Secretario di Estado Szabó pa un bishita na Museo Arkeologico Na-

cional Aruba (MANA), caminda a presenta un aspecto profundo di e identidad Arubano. Arkeologo drs. Raymond Dijkhoff a guia e presentacion y a pone enfasis riba e historia di un pueblo cu a sobrevivi y progresa riba su mesun forsa, desde tempo precolonial te cu presente.

"A pone enfasis riba e mentalidad di esfuerso, unidad y amor cu a pone nos antepasadonan indjan, cosecha riba tera seco y pisca riba lama bruto. Esaki ta e mentalidad cu ta biba den e pueblo Arubano pa hopi generacion. E amor pa nos baranca y orguyo ta parti integral di e alma nacional. Esaki hustamente tabata e mensahe poderoso cu Sr. Szabó a haya durante su bishita.

Gabinete AVP-Futuro ta considera e bishita manera un paso positivo den direccion di renobacion, respety cooperacion entre Aruba y Hulanda," gobierno a remarca.

Segun e comunicado di prensa ta informa Secretario di Estado Szabó su mes tin un yiu arkeologo y un interes particular den historia. Durante e bishita aki el a expresa su admiracion pa e riquesa cultural y resistencia di e pueblo Arubano, y alabes a indica cu ta importante pa conoce e historia di un pais, pa fortifica e identidad y pa inspira e generacionnan nobo den desaroyo di un Aruba fuerte y independiente den cooperacion cu reino.

Prome cu e bishita na MANA. Secretario di Estado Szabó a cera conoci cu Consejo di Minister, den cual cada minister a presenta e ambicion y prioridadnan di nan cartera. Segun Secretario di Estado Szabó, e reunion tabata positivo, informativo y a expresa su aprecio pa e energia y vision cu e gabinete ta proyecta.

"Tin un bon dinamica di cooperacion den Reino. E desafio awo ta pa sigui reforsa esaki den e periodo cu ta bin," Szabó a conclui. Gobierno di Aruba ta considera e bishita como un paso constructivo den mehora e lasonan den Reino, basa riba comprension, respet mutuo y un vision comparti pa progreso sostenibel.

Hop, Shop and Drive! Aruba Bank ta invita bo na e Yrausquin Easter Car Sales Event



Aruba Bank lo ta presente na e Yrausquin Easter Car Sales Event.

E evento aki lo tuma lugar diasabra, 12 di April 2025, di 9 di mainta te 2 di atardi.

Pasa cerca nos representantenan pa yuda bo scoge e auto cu ta combina mihor cu bo presupuesto y estilo di bida.

E evento aki ta un oportunidad unico pa wak modelonan nobo y haya ofertanan special solamente disponibel durante e evento.

Aruba Bank ta ofrece:

- Compra awor y paga aki 3 luna

- Aprobacion den 24 ora – Rapido y facil

Loke e cliente mester presenta cu ne ta un ID valido, dos ultimo payslip, carta di trabao y carta di ermis si esaki ta aplicabel.

No perde e chens! Pasa un tempo agradable, compra bo auto nobo, y laga Aruba Bank guia bo na un compra inteligente y sin preocupacion.


Cumpradornan stranhero y Airbnb: Un menasa creciente pa mercado di vivienda Arubiano

Den añanan recien, Aruba a mira un aumento notable den e cantidad di cas cu ta huur riba plataforma di huur temporal, manera Airbnb. Loke antes a cuminsa como un manera pa residente local genera entrada adicional, awo a evolucionar y converti den un actividad comercial a gran escala, hopi biaha financia y maneha pa inversionista stranhero. E desaroyo aki tin consecucionnan cu un alcance hopi grandi pa mercado di vivienda, e habitabilidad di barionan residencial, y acceso na cas pagable pa poblacion Arubiano.

Cambio di proposito di vivienda

Unda antes tabata construi cas y bende esakinan principalmente pa cumpli cu e necesidad di vivienda di famianan Arubiano, un patronchi diferente ta bin dilanti awo. Stranhero ta cumprando casnan lihe, specialmente den barionan deseable of areanan cu paisahe bunita, y casi inmediatamente ta converti nan permanentemente den cas di huur pa turista, a traves di plataformanan manera Airbnb. E casnan aki hopi biaha ta keda bashi fuera di temporada di turista, of ta huur na turista henter aña.

Abuso di tereno di erfpacht
Loke ta haci e tendencia aki specialmente preocupante ta cu un porcion significativa di e casnan aki ta ubica riba tereno erfpacht, propiedad di Gobierno di Aruba. Erfpacht ta un forma di 'gronduitgifte', of entrega di tereno, den cual



gobierno ta duna tereno ta persona of negoshi pa un proposito specifico – uso residencial, den e caso aki.

Virtualmente tur acuerdo di huur ta inclui provision indicando cu por usa e propiedad solamente pa proposito residencial, y cu uso comercial – manera huur na turista – ta prohibi explicitamente si no tin permiso di gobierno of un cambio formal den designacion di zona.

Asina mes, ta ignora e prohibicion aki ampliamente. Cada bes mas doño di erfpacht – hopi biaha propietario stranhero – ta usando nan cas pa proposito di turismo sin aprobacion formal of cambio di designacion di zona. Esaki no solo ta viola e condicionnan di e acuerdo di erfpacht, sino tambe ta viola e plan di Desaroyo Teritorial cu Regulacion (ROPv), cu ta goberna e politica di maneho teritorial di Aruba.

ROPv: Uso turistico no ta

permiti libremente
Segun e ROPv, tin zonanan claramente defini unda funcionan turistico, manera hotel of apartamento recreacional, ta permiti. Den 'area residencial cu balor', unda hopi di e casnan aki ta ubica, e funcion principal ta vivienda. Estadia recreacional ta permiti solamente bao condicionnan estricto, usualmente solamente den edificio existente of compleho turistico mas grandi – no den casnan individual den barionan residencial. ROPv tambe ta rekeri cu cualkier funcion cu ta desvia di e designacion principal mester cumpli cu maneho urbano, no mester causa molester na bisiña, y no mester tin un impacto negativo den e calidad di bida di e area.

Ademas, e ROPv ta stipula cu funcion turistico no por keda introduci sin mas si no tin un necesidad publico demostrable pa esaki, of si nan por keda acomoda den zonanan

turistico cu ya ta desaroya. Den hopi caso, unidannan nobo pa estadia recreacional simplemente no ta permiti. Esaki ta haci e uso di casnan residencial pa proposito turistico uno inconsistente cu politica di planificacion teritorial nacional.

Consecuencia pa mercado local di vivienda

E consecucionnan pa e poblacion local ta significante. Mientras e inversionistanan stranhero ta cumpra cas, e mercado di vivienda ta bira mas preta. Balor di propiedad ta aumenta pa motibo di e aumento den demanda stranhero, y famianan local – cu entrada averahe of hasta mas halto cu averahe – ta haya cada bes mas dificil pa cumpra of huur un cas.

Den algun bario, e situacion a bira asina precario cu Arubianonan hoben ta bandonando nan comunidannan, pasobra nan no por afford pa biba eynan mas, mientras casnan den nan bario ta para bashi of ta huur na turista. Cohesion social ta kibra, vigilancia di bario ta debilita, y trafico di turista, zonido y falta di parkeo ta crea molester.

Necesidad urgente pa accion politico y aplicacion

Gobierno y e lidernan politico no por keda ignora e situacion aki mas. E uso amplio di cas pa turismo sin e permiso of zona rekeri no solamente ta un violacion di derechonan di erfpacht y ROPv – tambe ta mina e bienestar social y economico di e poblacion local.


Ta esencial pa gobierno cuminsa aplicacion di e terminonnan existente di erfpacht y e regulacionnan teritorial. No mester por opera casnan riba

tereno di erfpacht libremente como huur pa turista.

Adicionalmente, gobierno mester haya un bista riba e posesion actual di casnan den areanan popular y monitor con ta usando e casnan aki. Ademas, ta crucial pa establece criterionan cla pa ken mag inverti den real estate na Aruba, cu e principio guia cu vivienda pa e poblacion local mester tuma precedencia riba interesnan comercial di inversionista stranhero.

Aruba mester scoge balans
Turismo ta importante pa Aruba – niun hende por nega esaki. Pero turismo no mester crece den un manera cu ta infringi riba e derechonan fundamental di vivienda pa e poblacion local. Un balans saludable entre turismo, vivienda y habitabilidad ta esencial. E mercado di vivienda mester sirbi principalmente esnan cu ta naci akinan, ta biba akinan, traha akinan, y contribui na e comunidad.

Ta ora pa introduci un politica di vivienda husto cu ta considera tanto e desaroyo economico como husticia social. Inversion stranhero ta bin bini – pero no si ta costa e derecho di e ciudadano Arubiano pa haya cas.



Gabinete AVP-FUTURO kier demostra cu Aruba ta un partner serio y confiabel den Reino

Den su Programa di Gubernacion 2025-2028 Gabinete AVP-FUTURO ta elabora riba puntonan di enfoke pa trece cambio y mehoracion den areanan cu mester di atencion. Un di e aspectonan clave pa pais Aruba ta un bon relacion den Reino y cu Europa. Den e programa di gubernacion Gabinete AVP-FUTURO ta trece dilanti algun punto importante pa fortalece e relacionnan aki.

Gobierno nobo ta indica cu Aruba su posicion den Reino Hulandes semper a genera oportunidad nobo di colaboracion y e oportunidadnan aki ta ofrece herment cu por ser usa pa logra un futuro sostenible y duradero pa tur ciudadano y Aruba.

Banda di e reforma y inversi-
onnan di Landspakket, Gabi-
nete AVP-FUTURO ta cla



pa demostra cu Aruba ta un partner serio y confiabel den Reino y cu Aruba kier traha hunto cu tur otro pais den Reino pa asina aumenta e posibilidadnan di cooperacion cu Reino Hulandes ta ofrece.

Nan ta splica cu hunto cu minister di Asuntonan General, cu lo lidera e proceso aki, y minister di Finanzas, lo finalisa y formalisa e ne-

gociacionnan cu Hulanda pa refinancia e debe nacional cu Hulanda y otro debenan riba mercado internacional y despues inicia e dialogo cu Hulanda pa refinancia e obligacionnan di PPP (Public Private Partnership) y otro debenan di pais Aruba.

Gobierno lo reestablece tambe e cooperacion cu institucionnan Hulandes cu den

pasado a duna resultado positivo pa Aruba y Reino riba diferente area; lo aumenta, den cooperacion cu Hulanda, e asistencia tecnico pa varios departamento di gobierno temporalmente; y den cooperacion cu tur otro ministerio, lo coordina y agilisa e ehecucion di e programa di Landspakket y explora su expansion.

Banda di esey, Gabinete AVP-FUTURO lo inventarisa un lista di fondonan disponibel riba nivel di Reino y crea cooperacion cu otro islanan Hulandes pa cu intercambio di idea y conocimiento pa participacion na e fondonan aki.

Como parti di esfuerso pa fortifica e relacion den Reino y cu Europa, gobierno lo crea tambe un team di experto pa desaroya capacidad na Aruba pa cu acceso na fondo Hulandes pa promove entre otro,

desaroyo sostenible, educacion, industria creativo, agricultura y innovacion; y lo fortalece e cooperacion den Reino y riba nivel di municipio pa cu comercio, agricultura, salud, husticia (migracion), educacion, digitalisacion di procesonan, Union Europeo y e transicion di energia.

Ademas di esaki Gabinete AVP-FUTURO lo traha riba coordina participacion na misionnan comercial di Reino Hulandes hunto cu ministerio di Economia.

Otro punto cu ta forma parti di e programa di gubernacion ta pa expande presencia di Arubahuis, Aruba su minister plenipotenciario na Hulanda y e representacion di EU na Bruselas; y por ultimo lo structura e cooperacion cu e agencianan coordinador di Hulanda y di Bruselas pa haya acceso na fondonan Europeo.

Segun DNM tiramento di bestia den area di Santana di Cacho ta birando un problema

Recientemente e portal di noticia Aruba.nu a publica un articulo den cual ta trece dilanti e preocupacion cu Departamento di Naturalesa y Medio Ambiente (DNM) a expresa pa loke ta trata e aumento di tiramento di cabrito y cacho den e area di costa na Santana di Cacho, banda di Baby Beach.

Segun e portal, director di DNM Gisbert Boekhoudt ta informa cu e situacion a empeora ultimo añanan, mientras cu un proyecto concreto pa ataca e problema no a ser ehecuta ainda.

Segun Boekhoudt, inicialmente e tabata un area chikito, pero mas y mas hende ta terciendo nan bestianan na e localidad aki, asumiendo cu e ta un bon luga pa libera nan. No tin maneho di nada pa esaki, mientras cu laga bestia los por tin consecuencianan adverso pa tanto naturalesa como e hendenan den e area.

Boekhoudt a declara cu hasta hotel of partidonan cu tin interes den e sector turistico ta confronta cu molester pa motibo di e bestianan aki. No solamente e ta trece riesgonan, e ta afecta e bista di e area tambe. E portal a sigui indica



cu DNM por duna conseho solamente unabes cu a entrega un proposicion concreto di proyecto. Pa cu esaki e director a enfatisa cu mester nombra esnan responsabel cu por atende e situacion, cual por encera organisa refugio of duna un solucion pa bestianan cu no por sobrevivi riba nan mes.

E situacion, el a bisa na e portal, a empeora despues di e horcannan Ivan y Matthew, cu a causa cu e duinen

y structuranan di coral den e region a move den direccion di Baby Beach. Esaki a cambia e area y haci'e mas sensitivo pa coriente, specialmente ora lama ta bruto. Animalnan cu ta ser tira den awa no hopi profundo por ser exponi y esaki ta trece riesgonan pa tanto hende como fauna den e area.

DNM a enfatisa cu ta importante pa elementonan natural existente, manera e duinen, keda na nan luga. Nan ta eherce un funcion den e eco-

sistema. Duinenan mas hundo ta keda na nan luga miho y ta yuda tene e tereno den bon condicion.

E informacion aki no a cay den bon tera, specialmente cerca esnan cu dia aden y dia afo ta lucha contra e problema di cacho y pushi riba caya.

Un activista na favor di cacho y pushi conoci na Aruba a comenta cu simplemente nan kier deshaci di e Santana di

Cacho na favor di e desaroyo di Secrets Hotel den e area ey. "Esnan cu tabata bringa asina duro pa haya e hotel ey eynan a bin ta bisa pa un tempo caba cu nan kier pa e santana bay. Ta pone bo puntra bo mes kico tin aden pa nan. Nada no ta sagrado mas. En bes di busca un manera pa tene e santana como un luga special nan kier dañ'e. Dumping di cabrito? Cacho semper tabata na Baby Beach y si e por ta mas pero nan a wak rond di e isla," el a cuestiona.

"Hende mester bini hunto y ta duro y expresa nan indignacion. Trece atencion na dje. Mi no ta un fanatico di e gritamento online tur dia riba problemanan di Aruba, pero mi mes a dera cuater alma eyden pa awor y mi ta djis un bishitante. Mi ta sumamente rabia tocante un luga di sosiego pa sernan keri di hende ser dañá. Mascotanan ta muri, hende kier dera nan. Unda nan mester bay? Pues graf y cruznan lo cuminsa aparece tur caminda den futuro cercano. Mester haci buya tocante e asunto aki. Si no, Secrets lo djis tuma e santana di bestia di cas secretamente y despues bisa "Ooops!," otro usuario a comenta.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Tras di guerra economico... Tin otro mas menazante...

Den e guerra economico cu gobierno Mericano a cuminsa cu gran parti di mundo, nos a pasa di 'never a dull day' pa 'never a dull hour'. E reaccion di mercadonan financiero na tur parti di mundo y e accionnan tuma pa e paisnan afecta cu tarifa halto di importacion ta sigui otro cu un velocidad impresionante. Consecuencia di esaki ta cu gobierno di Trump a decreta un pausa di 90 dia, aparentemente pa negocia cu varios pais un acuerdo. Pero tin algo mas tras di e maniobra espectacular aki. Tin otro desaroyo cu ta indica algo mas profundo y grave.

No por kere cu e gobierno aki a bin na mando pa cuminsa un guerra economico, djis pasobra mundo lo a trata Merca di manera inhusto. Loke ta tumando lugar ta mas bien un redefinicion di e reglanan di wega economico y politico, di acuerdo cu e papel cu e grupo na poder ta mira pa nan pais. Esey ta un manera di pensa basa riba un reparticion di mundo entre e actornan principal, unda Merca ta atende solamente nan 'parti di mundo' y no ta 'hunga polis' pa henter mundo mas. Y e pensamiento ta pa logra esaki cu un reparticion di mundo entre e paisnan autocratico, cu pa por opera segun nan deseo ta opta pa no respeta e reglanan di wega economico y legal, estableci desde Segunda Guerra Mundial. Den e guerra economico e obhetivo ta pa logra somete mas tanto pais na acuerdo economico cu ta conveniente pa Merca, saliendo di e punto di vista cu e otronan no por gana e guerra ey. Esey riba su mes caba ta un idea dudoso, pasobra como consecuencia di e accion Mericano por mira cu ta surgi un cantidad di iniciativa pa cooperacion economico (y militar), lagando Merca un banda. Claro cu lo tin pais cu no por opone e plannan Mericano y lo yega na acuerdo cu probablemente no ta asina positivo pa nan, pero e partinan fuerte, Union Europeo y Canada, e paisnan reuni den BRICS, no lo bay somete nan mes na deseo di Trump y no lo mester tampoco. Aki e 'gamble' di Trump ta bira bastante riesgoso, si e ta kere cu den e pausa anuncia di 90 dia e por negocia di manera exitoso pa su pais.

Pero tin algo mas cu ta lanta duda pa loke Trump kier logra. Parti di e aparente ideologia di e movimiento Maga ta e pensamiento cu Merca ta un pais cu por ta economicamente 'autarquico', nan no mester di otro pais. Esey ta un pensamiento bastante absurdo pa un pais cu riba diferente tereno clave no ta autosuficiente y ademas nunca lo ta. Por ehemplo algun asunto basico pa cualkier pais, manera energia. Den circulonnan conservador ta papia

hopi di independencia energetico, pero esey ta leu di ta e realidad. Merca ta actualmente e productor mayor di crudo, alrededor di 13 miyon bari pa dia, pero ta consumi cerca di 20 miyon bari pa dia y ta depende di cumpra e diferencia. Ademas, e red di refineria ta parcialmente calibra pa procesa crudo pisa, loke Merca no ta produci. Ta pesey e importacion di crudo Canades y Mericano ta asina importante, pasobra e casi 5 miyon bari pa dia di crudo pisa ey ta esencial pa un parti importante di refineria den Norte y na costa Mericano di Golfo di Mexico por opera. E pais no ta conta tampoco cu reserva proba grandi di petroleo y pa futuro lo depende cada vez mas di exterior. Tanto Canada como Mexico den e actual bochoro ta buscando contrato di suministro cu otro pais y ta logrando tambe, tanto cu Union Europeo como China y India. Esaki ta laga Merca cu e opcion di inverti den crudo Venezolano, pero Trump a caba di anula e permiso di Chevron pa produci y importa crudo Venezolano na Merca.

Merca no tin reserva grandi di hero y casi nada di bauxite pa produccion di aluminio. Tur obstaculo pa importacion di material industrial basico manera staal y aluminio, por ehemplo den forma di tarifa di importacion, no tin ningun sentido y ta significa un desbentaha grandi pa tur industria Mericano cu ta depende di e metalnan aki. Riba tereno di energia electrico ta mira e mesun situacion; Merca no ta produci suficiente electricidad y ta depende di Canada pa suministro di esaki. Riba esey e gobierno actual ta rechaza energia alternativo, pasobra den nan mundo no ta existi cambio di clima y otro fenomeno cu segun nan ta 'invento di hende progresista'. Sigui den e rumbo di insisti den usa carbon y petroleo ta solamente aumenta e dependencia riba fuente di energia di exterior.

Naturalmente e movimiento derechista aki tambe sa tur esaki. E idea tras di e anexacion di Canada y Groenland ta hustamente pa crea un pais enorme, cu recurso natural increible cu ta bay ta na nan disposicion como e elite dominante. Cu esey nan lo por competi cu Rusia y China, e dos actornan principal cu Trump y su banda ta mira como nan igual pa reparti mundo entre nan.

Tur esaki cu nan ta desea di logra ta supone un aspecto importante: somete nan propio pueblo na un regimen autocratico, pasobra cu e sistema democratico di tres poder autonomo, e modelo cu ta na bida ainda den e parti unda nos ta biba, nan no por realiza nan soñonan absurdo. Logra somete e otro paisnan ta keda un pregunta, logra caba cu democracia na Merca mes ta un batalla cu apenas a cuminsa.

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Minister di Husticia:

Desaroyo responsabel y naturalesa mester coexisti

Minister interino di Infraestructura, mr. drs. Arthur Dowers, a realisa un bishita oficial na e area di Colony na unda hotel Secrets ta den un fase avansa di construccion. Durante e bishita, Minister Dowers a haya informacion detaya di e trabao di infraestructura pendiente, particularmente e caminda di asfalt cu mester traha pa facilita acceso pa e hotel.

A base di e plan di infraestructura, ya a haya un aanlegvergunning (permiso di construccion), pero esey no ta duna e libertad pa construi sin tene cuenta cu e medio ambiente den e area.

No por elimina e especienan



endemico y protegi manera cadushi, bushi, tuna y dadel sin autorisacion special. Pa esaki, un ontheffing ta necesario – un dispensacion formal cu ta permiti pa kita e matanan necesario. Minister di Husticia a referi na un peticion pa ontheffing cu a pidi, di cual a haya un contesta negativo di banda di Ministerio di Naturalesa, pero cu DOW a hala aden mirando

cu no ta necesario mas pa kita e matanan den area specifico.

“Pa locual ta trata e caminda patras di e hotel, esaki tin un aanlegvergunning caba. E hecho cu un aanlegvergunning ta otorga no ta nifica automaticamente cu por sigui traha sin cu tur otro permiso necesario ta duna.” E responsabilidad final ta di Gobierno: si nos kier progreso, mester

tene cuenta cu nos medio ambiente tambe.

Minister mr. drs. Arthur Dowers a insisti cu tin un obligacion pa realoca of replanta e mesun especie na un otro sitio, segun e condicionnan stipula den e permiso. E discusion riba e caminda patras di e hotel ta andando y Minister Dowers lo evalua si e vergunning existente ta suficiente, of si mester un of otro permiso adicional pa por construi e caminda. Pa tin mas claridad, e minister lo tene un reunion dialuna awo cu tur departamento relevante, incluyendo huristanan, pa determina un maneho mas eficiente y conforme ley pa por continua cu e construccion di e caminda.

Minister Dowers tambe a haci un apelacion firme na e compania constructor pa limpia e area rond di e sitio di construccion, mirando cu a observa un cantidad excesivo di desperdicio, incluyendo material di construccion. E minister a enfatisa cu ta necesario un cambio den e manera cu ta atende cu tipo di desperdicio asina y no a descarta posible sancion si e situacion no ta mehora. Relaciona cu e sistema di rioolering nobo cu a traha pa conecta e hotel riba e planta di RWZI na Zeewijk, Minister Dowers a confirma cu esaki ya ta completa. No obstante, e matanan endemico cu a kita riba e ruta cu a construi e sistema di rioolering, tambe lo mester replanta na un sitio nobo.


Ministro Geoffrey Wever a reuni cu CAft:

Punto di salida ta un bon cooperacion cu CAft

Ministro di Finanzas, Geoffrey Wever, a tene su prome reunion oficial cu Colegio di Supervision Financiero, CAft. Durante e reunion ameno a toca e temanan di, entre otro, e trayectoria con y dicen a bin cu un e nota di cambio riba e presupuesto 2025 y tambe a dialoga riba e preparacionnan andando pa presupuesto 2026.

Gabinete AVP- FUTURO su plan di gobernacion ta un plan integral cu tin como punto di salida cu tur hende mester beneficia di e desaroyo economico y un repar-

tacion husto di e recursonan di nos pais. P'esey e gabinete nobo a entrega un nota di cambio pa asina pensionadonan haya 250 florin extra pa luna desde 1 di mei y baha accijns riba gasolin y diesel tambe desde 1 di mei, segun un comunicado di prensa. E nota di cambio aki, riba e mesun dia cu gabinete a wordo huramenta, tabata necesario pa di biah a duna back desde 1 di mei en bes di 1 di juni. Mientrastanto ayera 2 di april, conforme ley, minister di Finanzas, Geoffrey Wever a manda e presupuesto 2025 aproba unanimamente pa Parlamento di Aruba pa CAft



pa conseho.

Durante e reunion cu CAft, ministro Geoffrey Wever a enfatisa cu e maneho pa finanzas publico ta uno duradero y ta un refleho di e maneho di Gabinete AVP-FUTURO pa drecha entre otro poder di compra, baha costo di bida y duna siguran-

sa na inversionistanan local y internacional di un maneho financiero prudente y transparente manera palabra den e Programa di Gobernacion 2025- 2028.

Como minister di Finanzas, punto di salida ta y lo keda un bon cooperacion entre CAft

y pais Aruba pa hunto logra banda di finanzas duradero y prudente, keda mantene e balans continuamente pa tur hende mester beneficia di e desaroyo di nos pais, segun minister Geoffrey Wever.

“Cooperacion estrecho ta un instrumento necesario pa logra resultadonan concreto na beneficio di nos isla. CAft como partner importante den e desaroyo di Aruba ta duna conseho y recomendacionnan cu ta contribui na un finanzas publico duradero, prudente y transparente.”, segun ministro Geoffrey Wever.

Salida di wega di Instacash “Gold Mine”

Diahuebs 10 di april, Lotto, e loteria di Aruba, ta informa cu e wega di Gold Mine di Instacash lo sali for di mercado diabierna 11 di april.

Desde dia 11 di april e wega di Gold Mine di Instacash lo sali for di mercado y no lo ta disponibel mas pa wordo cumpra, si bo tin ticket di

Gold Mine cu no a wordo cobra ainda lo por haci esaki na cualkier rebendedo di Lotto rond di nos isla.

Instacash ta dunabo e oportunidad pa hunga bo wegananan preferi manera 5X The Cash, 10X The Cash, 20X The Cash, Bingo, Money Tree, Match for Cash, Hot Numbers, e famia di Instant

Jackpot, Tic Tac Cash, Shooting Star, Buckets of Cash, Strike, Stack-O-Cash y High Voltage Cash cu ta duna bo e chens pa gana placa al instante!

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di

Dia, Lotto 5, Mini Mega y cu su Mega Plus y e diferente wegananan di Raspa y Gana y Instacash. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.



Ocho fayecido pa colera na Sur Sudan mientras reduccion di fondo ta obliga nan cana mas largo pa yega clinica

(AP) – Cinco mucha tabata entre ocho persona cu a muri di colera na Sur Sudan, despues cu e cortamento di ayudo ta forsa pashent pa cana oranan largo pa yega e clinicanan mas cerca, un organisacion di ayudo a bisa diaranson.

E organisacion di caridad Save the Children a bisa cu e mortonan a ser registra den e estado oriental di Jonglei caminda el a cera shete centro di salud. Mas o menos 20 otro ta parcialmente mancha pa boluntarionan pero no por transporta pashentan manera nan tabata haci prome cu e cortamento.

Esaki ta e ultimo consecucionan di e terminacion di programanan di USAID den paisnan afecta pa conflicto y segura



den Africa Oriental, lagando miyones di hende den necesidad di yudansa mas inmediato.

Director di Pais di Save the Children Sur Sudan, Chris Nyamandi, a bisa den un declaracion cu e necesidadnan di mucha den paisnan afecta pa conflicto mester ser priorisa.

“Mestertin indignacion moral

mundial cu e decisionnan tuma pa hendenan poderoso den otro paisnan a conduci na morto di mucha den djis un par di siman,” el a bisa.

E director medico di e hospital Akobo mancha pa gobierno, unda ta trata mayoria caso di colera, a describi e situacion como “catastrofico” ya cu cifranan di ministerio di Salud ta muestra por lo menos 46.716 caso y 871 morto

reporta den henter e pais for di october.

Nyuon Koang a bisa Associated Press cu tabatin solamente un facilidad di salud di gobierno den operacion den e ciudad di Walgak.

Luna pasa, Nacionnan Uni (UN) a adverti cu Sur Sudan tabata na rand di un guerra civil renoba despues cu un grupo arma den nort a invadi un base di ehercito y a ataca un helicopter di Nacion Uni. Trupa di gobierno a responde cu un serie di atakenan aereo y e vice presidente di e pais y lider principal di oposicion Riek Machar ta keda bou di aresto domiciliario pa instigacion.

E Programa Mundial di Alimentacion (WFP) a adverti cu hamber na Sur

Sudan tabata cerca di e record maximo di casi “casi 7.7 miyon hende ta enfrenta nivelnan di hamber categorisa como crisis, emergencia of catastrofico.”

E Departamento di Estado di Merca a bisa diamars cu el a regresa e cortamento di financia grandi pa proyectonan di emergencia di WFP den 14 pais pover cu ta inclui Somalia, bisando cu el a termina algun di e contractnan pa yudansa pa salba bida pa eror.

Mohamed Elmi Afrah, un trahador di ayudo y analista politico di hopi tempo cu sede na Somalia a bisa The Associated Press cu e efectonan di cortamento di financia tabata global pero e “impacto ta specialmente severo na Africa.”

Estudio nobo ta revela dicon condicion fisico despues di parto ta un lucha pa mamanan

(NLTimes) – Mamanan, hasta esnan cu un antecedente atletico fuerte, ta enfrenta retonan significativo pa mantene un rutina deportivo regular despues di nacemento di nan prome yiu, un estudio nobo di Instituto Mulier a haya. E investigacion ta destaca cu e expectativa-nan di sociedad rond di maternidad, hunto cu e exigencianan fisico di embarazo y parto, hopi biaha ta hacie dificil pa hende muher haya tempo y espacio pa haci ehercicio.



Di acuerdo cu e estudio, un di e bareranan clave pa e condicion fisico despues di parto ta e norma social cu ta pone e responsabilidad di cuido di yiu principalmente riba e mamanan. E expectativa aki, investigadornan ta bisa, ta conflicto cu e tempo y energia necesario pa mantene un rutina deportivo regular. “Mamanan y nan partnernan ta trata esaki di varios manera,” e rapport a bisa. E resultadonan ta basa riba entrevistanan profundo cu 22 mama cu anteriormente tabata activo den deporte.

Mientras cu haya tempo pa deporte por ta crucial, e estudio ta destaca tambe cu no ta trata solamente di e cantidad

di tempo disponibel. Loke ta importa ta e calidad di e tempo ey — un periodo liber di distraccion y interrupcion. Sinembargo, loke ta cualifica como tempo “suficiente” y “apropia” pa ehercicio ta varia di un mama pa otro, dependiendo di su metanan deportivo specifico y estilo di bida.

E investigacion tambe ta explora con normanan social y di genero ta impacta e habilidad y deseo di hende muher pa sigui haci ehercicio den e periodo despues di parto. E estudio ta sugeri cu e organizacion y priorisacion di deporte no ta simplemente escogencianan individual, pero ta profundamente influencia pa normanan y expectativanan di sociedad pa loke ta

trata maternidad y rolnan di genero.

E peso fisico di embarazo tambe ta hunga un rol crucial den e retonan cu mamanan nobo ta enfrenta ora nan ta purba di regresa na deporte. Segun e estudio, hende muher na estado mester interumpi nan rutinanan regular di fitness, y e proceso di recuperacion despues di parto ta complica nan habilidad pa participa den actividadnan fisico mas ainda. Como resultado, hopi mama ta experiencia frustracion y dificultad pa reintegra ehercicio den nan rutinanan unabes cu nan a recupera di parto.

E decision pa reanuda deporte despues di parto, segun e estudio, ta depende di un

combinacion di factornan. Ademá di limitacionnan di tempo y limitacionnan fisico, otro consideracionnan ta inclui experencianan deportivo di pasado, balornan personal tocante di condicion

fisico, y e grado di sosten di un partner. E elementonan aki colectivamente ta forma e habilidad di un mama pa reintroduci deporte den su bida despues di parto.

**TRABOU DI MANTENCION
DEN TRANSFORMATORHUIZEN
NA EAGLE**

Interupcion di Coriente Planea

En conexion cu trabounan di mantencion pa mantene un suministro di coriente confiabel, e servicio di coriente lo wordo interumpi:

Diaranson, 16 di april 2025
8:30 am te cu 3:30 pm

Den vecindario di:

- Bushiri (un parti)
- Caya Taratata (un parti)
- Italiestraat (un parti)
- Schotlandstraat (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Danki pa e comprension.

Curasoleño condena na Rotterdam pa violencia excesivo

(Curacao.nu) – Un homber di cuarenta aña procedente di Corsou a keda condena ayera cu castigo di prison di un aña y mei, di cual seis luna a keda suspendi, pa violencia extremo durante un pelea riba Kruiskade na Rotterdam. Tambe e lo haya un periodo di prueba di dos aña.



E pelea a tuma lugar den oranan di mainta trempan di diasabra, 29 di juni 2024. Dos grupo a drenta den un altercacion, unda violencia a escala rapidamente. Imagennan di CCTV a mostra con un di esnan involvi a ricibi un sla

na cabes y a cay inconsciente na suela. Segun Hues, e victima a parce di a baha “manera un popchi di tela”.

E imagennan despues ta muestra e sospechoso condena ta core bay den direccion di

e victima y ta scop e duro na su cabes, comosifuera e ta tira un bala di futbol. Despues el a core bay back cerca e victima y a bolbe scop e na su cabes. Despues el a bula cu tur dos pia y su peso completo riba cabes di e homber inconsci-

ente.

Polis a presenta na e sitio y a logra dispersa e grupo. E sospechosonan por a ser identifica y deteni danki na e imagennan di camara.

Corte a dicta cu e sospechoso a usa forza excesivo. Conscientemente el a tuma e riesgo cu e victima por a muri pa consecuencia di su accionnan. Segun Hues, e cabes ta un parti sumamente vulnerabel di e curpa y golpinan duro por ta fatal.

Ministerio Publico a acusa e homber di intento di homicidio imboluntario y mal-

trato serio. Abogado di e sospechoso a pidi absolucion di intento di homicidio imboluntario. Segun el a bisa, no tabatin intencion pa mata e victima. Tambe el a señala cu no tabatin un rapport medico disponibel riba e condicion di salud di e victima, loke, el a bisa, ta nifica cu e gravedad di e lesionnan no por a ser determina.

Korte a rechasa e defensa ey. Segun hues, e imagennan di camara tabata suficiente pa conclui cu e accionnan tabata menasa bida, hasta sin un informe medico.

Investigacion riba lesion di turtuga di lama di Boneiro

(Bonaire.nu) – Kiki Hesselink, estudiante di Coastal and Marine Management na Van Hall Larenstein na Leeuwarden, ta haciendo investigacion riba e diferente tipo di heridanan den turtuga di lama na Boneiro. Como stagiaire na Sea Turtle Conservation Bonaire, e ta investiga e posibel causa di e lesion cu e turtuga ta sufri. Un di e causanan por ta e deportenan acuatico na Boneiro.




Hesselink ta combina su estudio cu su pasion pa animalnan marino. “Mi ta investiga e diferente tipo di lesionnan di turtuga na Boneiro. Mi ta wak tur tipo di lesion. Un di e posibel causa por ta deporte di awa. Pero esey no ta algo cu mi ta investiga especificamente,” Hesselink ta bisa. E meta di su proyecto ta pa haya mas bista riba e tendencianan den deporte di awa y e posibel interaccionnan cu turtuga. “E investigacion aki ta destina pa compila mas informacion y

no pa cambia regla of legislacion existente,” e ta enfatisa. E rol di deporte di awa Durante su trabou como stagiaire na Boneiro, Hesselink a mira varios turtuga cu cicatriz, pero e causa exacto ta keda inexplicable. “Mi ta wak

e lesionnan riba e aletanan, y deportenan di awa ta djs un di e factornan cu por hunga un rol,” e ta splica. “Pero esey no ta necesario. Tambe por ta cu lesionnan a ser causa pa otro cosnan. Manera un mordi di tribon, por ehempel. Ta importante pa haya sa esaki tambe, si ta posibel.” Hesselink ta colecta dato a traves di un encuesta cortico y anonimo.

Yega na un publico mas amplio Aunke e investigacion ta parti di su estudio, Hesselink tambe ta spera di yega na un publico mas amplio. Awor el



a colecta binti encuestado pa su encuesta, pero e ta spera mas participacion. “Mas dato, mas miho y mas confiabel e investigacion ta,” Hesselink ta bisa.

Studiando turtuga E investigacion di Hesselink ta programa pa keda cla na juli. Aunke e presentacion lo tuma lugar solamente na scol por lo pronto, e no ta descarta un presentacion riba Boneiro den futuro. Su trabou na Sea

Turtle Conservation Bonaire ta keda un experiencia valioso p’e. “Semper mi tabata interesa den bida maritimo y ta special pa studia un animal asina unico manera e turtuga,” Hesselink ta bisa.

E investigacion realisa aki ta enfoca especificamente riba deporte acuatico. E investigacion general di Hesselink ta concerni lesionnan den turtuga di lama y nan posibel causa.

John Leerdam ta bira director di museo di esclavitud na Hulanda

(Curacao.nu) – Museo Nacional di Slavitud na Hulanda ta tumando pasonan pa su apertura na 2030. E museo ta aloha den un fundacion, cu John Leerdam como director y Franc Weerwind como presidente di hunta di supervision. E museo lo ta situa na cabes di Isla di Java na Amsterdam y lo enfoca riba atende cu e pasado di esclavitud Hulandes na un manera educativo y cultural.




e directiva ta marca un fase importante den e desaroyo di e museo como un lugar nacional y internacional di recuerdo y educacion.

John Leerdam lo tuma over e maneho diario di e museo.

Franc Weerwind ta ser sosteni pa Bianca Tjon Atsoi y Matthias van Rossum como miembro di hunta di supervision. E profesionalnan aki ta trece hunto experticio den cultura, herencia y gobernacion, y lo guia e museo pa su apertura na 2030.

E establecimiento di e fundacion y e nombramento di e directornan ta trece e apertura di e Museo Nacional di Slavitud mas cerca. E museo lo, segun su propio declaracion, desaroya den un organizacion profesional y sostenibel den e proximo añanan,



cu lo tuma forma mas y mas bou di liderazgo di e directiva nobo.

Lugar Historico Na 2030, e Museo Nacional di Slavitud lo habri su portanan na un lugar importante: e cabes di Isla di Java na Amsterdam. E area aki

tin un historia rico y lo bira un lugar importante pa conmemoracion, educacion y conscientisacion di e pasado di esclavitud Hulandes. E establecimiento di e fundacion y e nombramento di e prome directornan a pone un base solido pa e desaroyo mas leu di e museo.

E establecimiento di e fundacion y e nombramento di

Documental nobo ta resalta homofobia na Corsou

(Curacaou.nu) – Awe, 10 di april 2025, NPO 3 lo transmiti e documental **All Inclusive Curaçao**. Cineasta Wensly Francisco ta investiga e sosten social limita pa homosexualidad riba e isla Caribense di Corsou.

E documental ta enfoca riba e obstaculonnan cu hobennan homosexual riba e isla ta enfrente ora nan kier revela

nan orientacion sexual na famia y amigonan. Francisco ta destaca e rol di varios factor cultural y religioso cu ta contribui na e clima dificil pa aceptacion.

Un factor importante cu ta ser discuti ta e cultura machista cu tin raiz profundo na Corsou. Ademas, e influencia di credencialnan religioso riba actitud pa cu homosexualidad ta ser analisa. E docu-

mentario ta mostra cu e influencianan aki por conduci na algun residente cu ta ser forsa pa hiba un bida dobel.

Wensly Francisco, anteriormente conoci pa su trabou pa programanan manera Spuiten & Slikken y Zembla, ta trata di duna bista riba e presion social y lucha interno cu hopi hende na Corsou ta enfrente cu All Inclusive Curaçao.



Hulanda: No lo persigui mayornan mas si nan yiu no bay scol pa motibo di fe

(Nu.nl) – Mayornan cu no ta inscribi nan yiu na un scol pa motibo di nan creencia religioso of filosofia di bida lo no ser persigui mas door di Ministerio Publico. Segun poder hudicial, persecucion penal di mayornan lo no soluciona e problema di muchanan cu no ta bay scol.

Mayornan por aplica pa dispensacion di enseñansa obligatorio si nan ta kere cu no tin scol den e area cu ta cuadra cu nan creencia religioso of filosofia di bida. Aña



pasa, mas cu 2.100 hoben a haya exoneracion di enseñansa obligatorio pa motibo di obhecionnan di consenshi. Den caso di 160 peticion rechasa, procedemento penal a sigui.

Si un peticion asina ser aproba, e mucha lo ser exonera di enseñansa obligatorio. Si e ser rechasa, un proceso penal por sigui. Ministerio Publico (OM) ta kere cu e legislacion rond di e asuntonan aki actu-

almente no ta suficiente cla. E reglanan pa evalua e aplicacionnan tambe ta ser bisa di ta mucho complica.

Ademas Ministerio Publico ta kere cu huesnan demasiado biaha ta saca diferente sentencia den e casonan aki. Ministerio Publico ta declara cu e casonan aki “pa e motibo aki, for di un perspectiva huridico, ta ofrece sosten insuficiente pa ehecucion penal”.

Otro casonan penal relaciona cu Ley di Enseñansa Obligatorio ta keda posibel, manera

den caso di mayornan cu ta pidi exoneracion mucho laat of incompletamente. Ministerio Publico ta bisa cu sancionnan anterior, manera multa, hopi biaha no a yuda pa e muchanan bay scol.

Ministerio Publico ta traha hunto cu oficialnan di enseñansa obligatorio y Ministerio di Enseñansa. Hunto cu otro organisacionnan involvi, nan ta buscando “alternativanan cu ta promove educacion pa tur mucha”.

Hulanda: Miedo pa un fin di aña mas extremo pa motibo di e prohibicion di klapchi cu ta acercando

(Nu.nl) – Trahadonan di polis, brandweer y ambulance ta contento cu lo introduci un prohibicion di klapchi, pero tambe ta hopi preocupa pasobra e prohibicion lo no drenta na vigor e aña aki. Servicionan di emergencia ta teme cu e fin di fin di aña lo ta mas extremo ainda debi na e prohibicion di klapchi cu ta acercando.

Tweede Kamer a aproba un proyecto di ley diamars cu lo regla un prohibicion general di klapchi. Pero e prohibicion ey lo no drenta na vigor te despues di Fin di Aña.

Tin miedo cu algun hende lo usa e prohibicion di klapchi cu ta acercando como un oportunidad pa comporta nan mes mas extremo ainda. No solamente den Tweede Kamer, pero tambe entre e servicionan di emergencia tin miedo di practicanan caotico durante e fin di aña nobo, segun un encuesta di NU.nl.

Segun Ramon Meijerink, presidente di sindicato di polis ACP, fin di aña ta bira mas extremo cada aña. “Oficialnan ta ser manda pa informe y despues ta tira nan cu klapchi. Hopi oficial di polis tin miedo cu e situacion lo bira



mas extremo ainda e proximo fin di aña debi na e prohibicion di klapchi cu ta acercando.”

E ultimo añanan, e situacion durante fin di aña a parce

un zona di guera na hopi caminda, segun Nine Kooiman, presidente di Sindicato di Polis Hulandes. “Ta masha insensato pa retrasa e implementacion di e prohibicion. Mi lo a prefera di mira e prohibicion implementa mesora.”

ME mester proteha cuerpo di bombero. Segun presidente di Cuerpo di Bombero Hulandes Tijs van Lieshout, bomberonan regularmente mester di guia di e unidad mobil durante fin di aña pa por paga candela, mientras cu klapchi tabata bula rond di nan horea. “Esey ta loke nos por spera atrobe

otro aña”.

E liderazgo di cuerpo policial tambe ta tene cuenta cu un fin di aña turbulento, un vocero a bisa. “Nos lo prepara nos mes bon pa esaki den e proximo lunanan”.

Sinembargo, polis, bombero, servicio di ambulance y sindicatonan ta contento cu e prohibicion di klapchi eventualmente lo ser implementa, segun un encuesta di NU.nl. Trahadornan di yudansa awor ta sinti cu nan tin sosten di Tweede Kamer, asina tanto Kooiman como Van Lieshout ta bisa.

Scolnan basico na Baarn a cera despues di menasa; polis ta keda vigila

(Nu.nl & NLTimes) – Tur scol basico den e municipio di Baarn lo keda cera pa motibo di menasa, polis a informa. E naturalesa di e menasanan no ta conoci.

Na e momento aki, no tin ningun indicacion cu esaki ta un menasa serio, e polisnan ta skirbi riba X. Sinembargo nan a cuminsa cu un investigacion y ta vigilando e situacion.



E scolnan basico a ser cera riba nan propio iniciativa, no riba conseho di polis. Un vo-

cero di e scolnan basico a bisa e emisora local RTV Utrecht. E portanan na scol basico

Guido de Brès tabata na yabi, y no tabatin polis presente. Tambe a cera Amalia Astroschool y Koningin Wilhelminaschool. Un vocero di scol basico Aloysius solamente a confirma cu a haya un menasa y cu e scol lo ta cera tambe.

Scolnan secundario tambe a haya un mensahe di menasa, pero lo keda habri. Despues di consulta cu polis, no tabatin motibo pa cera porta, un

vocero a bisa e agencia di noticia ANP. Tin extra vigilancia policial na tur scol.

Segun RTV Utrecht, e scolnan a ricibi un email cu ta menasa “e atake di mas horibel den historia Hulandes”. Scolnan y polis no a confirma e informacion aki. Un vocero di polis no por a bisa ANP nada tocante e naturalesa di e menasa of di ken el a bini.

Argentina: IMF ta cera acuerdo riba rescate di \$20 biyon

(AP) — Fondo Monetario Internacional (IMF) riba diamars a bisa cu a yega na un acuerdo preliminar cu Argentina riba un rescate di \$20 biyon, dunando un alivio na presidente Javier Milei mientras e ta busca pa bolter e orden economico bieu di e pais.

Como un acuerdo na nivel ‘ambtelijk’, e pakete di rescate ainda ta rekeri aprobacion final di e hunta ehecutivo di IMF. E hunta ta bay reuni den proximo dlanan, segun e declaracion di IMF.

E anuncio hopi spera di e fondo a duna un linea di bida na presidente Milei, cu a corta inflacion y a estabilisa e economia problematico di Argentina cu un agenda di austeridad di mercado liber. Su politicanan a reverti e endeudamento descabeya di gobiernonan isquierdista populista cu a haci Argentina famoso pa default riba su debenan. E pais a ricibi mas rescate di IMF cu cualkier otro pais.

El a yega na un momento critico pa e di dos economia mas grandi na Sur America. Presion tabata aumentando riba e reservanan di divisa di Argentina, cu rapidamente tabata kedando bashi, mientras gobierno a reforsa regla riba impresion (printing) di



placa y a caba su dollarnan escaso pa reforsa e peso Argentino cu tabata tambalia.

Miedo a aumenta cu si gobierno no logra sigura un prestamo di IMF, lo mester desvia di e medidanan di austeridad y laga Argentina, un biaha mas, incapaz di sirbi su debenan enorme of paga su cuenta di importacion.

E cash fresco ta duna Milei un chens serio pa alivia e controlnan estricto di Argentina riba divisa, cu lo por yuda convence mercadonan di e sostenibilidad di su programa. Durante ultimo seis aña, e restriccionnan riba capital a disuadi inversion, preveniendo companianan di manda ganashi den exterior y sigurando e maneho cauteloso di Banco Central riba

e peso, cu ta mara na e dollar. Ricibiendo hasta 22 prestamo di IMF desde 1958, Argentina debe IMF mas cu \$40 biyon. Mayoria di fondo di IMF a ser usa pa paga IMF back, dunando e organisacion un reputacion malo entre Argentinonan. Hopi ta culpa e prestamista pa e implosion economico historico di e pais y e default di debe na 2001.

IMF tabata cauteloso di cera otro acuerdo mas cu su deudor mas grandi. Pero durante ultimo 16 luna, oficialnan di e fondo a elogia e austeridad di Milei – un dietet mas duro cu e prescripcion tipico di e fondo.

Un ex-personalidad di television y auto-proclama ‘anarco-capitalista’, Milei a yega na poder riba un promesa pa re-

duci e burocracia infla di Argentina, mata inflacion, habri economia na mercadonan internacional y atrae inversionista stranhero despues di añanan di isolacion.

A diferencia di politiconan Argentino den pasado cu a busca pa evita rabia e masanan cu austeridad brutal, Milei a usa su ‘motosierra’ riba estado, dunando retiro na miles di empleado estatal, disolviendo of reduciendo decenas di ministerio, cortando den sector di educacion, cortando ahuste di inflacion pa pensionado (reparatietoeslag), congelando proyectonan di obra publico, eliminando control di prijs y cortando subsidio.

Criticonan ta nota cu hende di menos recurso a paga e prijs mas halto pa e indicadornan macroeconomico bunita di Argentina. Pensionado ta bin protestando tur siman contra pensionnan abao, cu e reduccion den pago contando pa e porcion mas grandi di e recorte den presupuesto di Milei. Sindicatonan mayor a anuncia un welga general di 36 ora cuminsando diaranson den solidaridad.

Asina mes, Milei a mantene tasanen solido di aprobacion, un sorpresa cu analistanan ta atribui na su exito den baha inflacion, cu a cay na 118%

for di 211% anualmente durante su prome aña a cargo. Cambia deficit den presupuesto pa surplus a genera un boom den bolsa di cambio local, y su clasificacion pa riesgo di e pais, un barometer clave pa confiansa di inversion, a baha.

“E acuerdo ta construi riba e progreso inicial impresionante di autoritadnan den estabilisa economia, sosteni pa un anker fiscal fuerte, cu ta dunando desinflacion rapido,” IMF a bisa anunciando e acuerdo bao un areglo di 48 luna. “E programa ta sostiene e siguiente fase di estabilizacion Argentino y agenda di reforma.”

No ta cla con hopi placa Argentina lo ricibi mesora – un punto clave den mayoria di e negociacionnan recien riba detayenan di e acuerdo. Argentina ta buscando un pago grandi mesora pa yena su reservanan back, hasta mientras prestamonan di IMF usualmente ta desembolsa durante varios aña.

Milei a comparti e declaracion di IMF riba X, cu un potret mustando e brasando minister di Economia, Luis Caputo. “Vavos!” el a skirbi, aparentemente un typo di “vamos!” den su emocion.

Brazil: Pueblo indigena ta marcha exigiendo mas tera bao nan maneho



(AP) — Cu e prome conferencia di clima di ONU den Amazon acercando, miles di indigena a marcha e siman aki den capital Brasileño, exigiendo pa estado garantisar y expande nan derecho riba terenonan tradicional como parti di e solucion pa e crisis mundial di clima.

E protesta ta e punto mas halto di e Acampamento Terra Livre anual, awo den su di 21 edicion. Cu mensahenan manera “Derecho riba tera = accion di clima”, nan a cana den direccion di Plaza Tres Poder, unda Congreso, Corte Supremo y palacio presidencial ta ubica na Brasilia. “Teritorionan ta esunnan mas

preserva y ta contribui pa baha velocidad di e crisis di clima cu nos ta enfrentando. Pero nan tambe ta e prome pa haya impacto,” segun Luene Karipuna, di estado Amazonico di Amapa, mientras tabata marcha. “Nos ta sintie directamente den nos teranan, unda nos a perde henter nos cultivo di yuca – e base di

cuminda di nos comunidad.”

Diestres porcientu teritorio di Brazil ta reconoci como tereno Indigeno, mayoria di esaki den Amazonia. Den ultimo dos aña, e cuenca di Amazonia a sufri su pio segura registra, conduciendo na un aumento di candela forestal, isolacion pa comunidadnan di riu, perdida di cultivo y morto di bida salvahe, incluyendo e dolfijn ros cu ta

den peliger. Algun estudio a vincula e clima extremo den e region na cambio climatico.

Datonan di satelite ta muestra cu teritorionan Indigena den Amazonia – un region dobel e size di India – tin tasanen di deforestacion hopi abao. E selva tropical mas grandi na mundo ta un sink mayor pa carbon y regulador di clima, y ta contene 20 porcientu di e awa fresco di e planeta.



Regimen ta culpa “intermediarionan” pa inflacion y prijsnan halto di cuminda na Cuba

(CiberCuba) – Gobierno Cubano a re-energiza vigorosamente su retorica contra e asina yama “intermediarionan” den economia, kendenan e ta culpa pa aumento di prijs y inflacion.

Den e reunion di Consejo di Minister mas recien, minister di Economia Joaquín Alonso Vázquez a culpa e actornan aki pa probecha den henter e cadena di suministro y a anuncia medidanan pa “kibra e cadenan ey,” representando un otro capitulo den e narrativa di hopi tempo di gobierno di busca culpablenan externo pa su incapacidad estructural.

E ultimo acusacion aki, transmiti na Noticia di Television Nacional (NTV), ta bin memey di un intensificacion di e control estatal riba e economia informal, un cruzada disciplinario cu a inclui mas di 3.300 detencion y persecucion den e ultimo lunanan so, segun datonan oficial.

E narrativa contra intermediarionan tabata un constante di e regimen, pero na 2025 el a alcanza un limite nobo, integrando operacionnan



policial, medidanan administrativo, y un campaña ideologico articula pa e Partido Comunista.

E criminalisacion di comercio informal y trabou propio no ta algo nobo. Na 2020, Miguel Díaz-Canel a boga pa “confronta e rebendedonan” como parti di un “strategia di control socialista.”

Na Guantánamo, mas cu 200 caso penal a ser habri e mesun aña ey pa supuesto crimennan economico relaciona cu scarsedad y acumulacion. Na Holguín, na 2022 so, 900 boet a ser imponi riba rebendedonan y acumuladonan.

Mas recientemente, prome minister Manuel Marrero Cruz a defende e “man firme

cu correspondencia huridico,” exigiendo huicionan ehempel pa esnan cu ta haci rebenta of practicanan di comercio informal.

Tur esaki ta sucede bou di e paraplu di un campaña di Partido Comunista contra “ilegalidad y criminalidad”, cu, den practica, ta traduci den aumento di represion contra ciudadanonan cu ta purba sobrevivi den un ambiente di crisis profundo.

E economista Cubano Pedro Monreal a ofrece un analisis critico di e reciente reunion di gabinete, cuestionando e uso di conceptionan bashi manera “medidanan di fortificacion” sin datonan pa sostene cambio real. Den un thread riba X (anteriormente Twitter), Monreal

a acusa e gobierno di a recurri na “verborrea triunfalista” y a reemplasa politicanan macroeconomico cu un narrativa ideologico sin base.

“E aumentonan di prijs mas grandi ta den productonan agricultural. Tin hopi intermediario,” Monreal a cita como un ehempel di un spliacion simpel y oficial cu ta tapa ineficiencia estatal den aumento di produccion y garantisa suministro.

“Incompetencia oficial ta hiba nan na busca culpablenan y forsa medidanan administrativo,” el a declara.

E economista tambe a denuncia e “mecanismo nobo di alocacion di moneda” como “leopardismo economico”, cu, a pesar di cambionan aparente, ta perpetua esencialmente e control centralisa y e designacion arbitrario di ganador y perdedornan den e mercado.

Mientras cu e gobierno ta informa un bahada leve den inflacion agricultural—di 5% na januari pa 1.3% na februari—prijsnan ta keda impagabel pa mayoria di Cubano.

Na mesun momento, tin enfasis riba discursonan tocante eficiencia di e sistema socialista, e strategianan di comunicacion politico di e Partido, y iniciativanan manera e desaroyo di un plataforma pa maneho di empleo.

Sinembargo, e contexto economico real ta mucho mas scur: ECLAC ta pronostica un bahada mas aleu den GDP Cubano na 2025, despues di dos aña consecutivo di contraccion. Exportacion y importacion ta sigui baha, y produccion agricultural, aunke aparentemente ta mehora, no ta impactando oferta di prijsnan significantemente.

E narrativa contra intermediarionan ta un pantaya di huma pa evita di atende e berdadero causa di e crisis: un modelo economico ineficiente, un falta di apertura di mercado real, y un nengamento pa permiti empresa priva liber.

Tanten cu decisionnan structural no ser tuma y solucionnan informal cu ta surgi for di sociedad ta sigui ser reprimi, inflacion, scarsedad y malcontento lo sigui dicta e pulso di e pais.

No bai Campa sin esaki!

AFL. 189
AFL. 199
AFL. 115
AFL. 199

electro ★

📍 Avenida Milio Croes 41 ☎️ (+297) 280-0222

MESTER GREEN CARD?

LABHOH T'EY PA BO!

SOLAMENTE AWG. 29.= (Swipe Only!)

2 minuut so di DVG!

PRIKPOST ORANJESTAD

📍 Riba tereno di S.A.B.A.

📅 Dialuna pa Diabierna

🕒 7:00 am - 12:00 pm

Horacio Oduber HOSPITAL LABHOH

NOS SEMPER T'EY!

DON'T MISS THIS WEEKEND EVENT!

2 DAY SALE!

APRIL 11-12, 2025.

GET UP TO **40%** SELECT ITEMS

AT AMC UNICON WE'VE GOT YOU!



SAVE AWG500

WHIRLPOOL 13 CU. FT. FRIDGE WT1333W

NOW AWG1299

WAS AWG1799



SAVE AWG550

SAMSUNG 12 CU. FT. FRIDGE RT35DG5224S9

NOW AWG1399

WAS AWG1949



SAVE AWG80

TCL 43P635A 43\"

ULTRA HD SMART TV

NOW AWG599

WAS AWG679



SAVE AWG100

TCL W50NA 50\"

ULTRA HD SMART TV

NOW AWG549

WAS AWG649



SAVE AWG90

RADIOSHACK ELECTRICAL KEYBOARD 3202714

NOW AWG249

WAS AWG339



SAVE AWG480

AKT 150CC BIKE 5411EA

NOW AWG3499

WAS AWG3979

amc unicon

569-2407 AMC EAGLE MEGASTORE | HORARIO: 9am - 6pm DIALUNA PA DIASABRA

Departamento di Cultura:

Resultado di Competencia “Arte di Palabra Aruba 2025”

Un ambiente vibrante y emocionante tabata reina diasabra anochi den e sala principal di Cas di Cultura, cu tabata yena di hoben, docente, famia y amistadnan. Tur a bin pa duna apoyo na nos participantenan den e competencia literario Arte di Palabra Aruba 2025. Arte di Palabra ta un evento literario cu ta nutri amor pa idioma Papiamento den manera creativo entre nos hubentud. E edicion 2025 tabata e di 16 año consecutivo cu Aruba ta organisa e competencia.

Durante e evento, un total di 22 hoben talentoso a subi riba e tarima pa expresa nan talento. Un total di 26 obra a wordo presenta den sea poesia, storia y RAP, tanto den forma original como den forma existente. E energia, pasion y amor pa Papiamento tabatin presente den cada palabra pronuncia riba e podium. Nos ta sumamente orguyoso

di por presenta e ganadonan, cu lo representa Aruba den e 20 edicion di Arte di Palabra ABC, cu ta tuma lugar na fin di mei 2025 na Bonaire: Ganadonan Competencia Arte di Palabra 2025

Categoría A: Poesia Existente Klas 1-2

Prome luga
 Number: Caylee Fraser
 Scol: Colegio Nigel Matthew
 Titulo di obra: Pakico

Categoría B: Poesia Original Klas 1-2

Prome luga
 Number: Alía Hernandez
 Scol: Mon Plaisir College
 Titulo di obra: Tras di pantaya tin poder

Segundo luga
 Number: Samantha
 Stephania Romero
 Scol: Edu Campus
 Titulo di obra: Lo mi lubida bo

Tercer luga
 Number: Luisa Pinillos Muñoz
 Scol: Juliana School
 Titulo di obra: Poema di Amor

Categoría E: Cuenta Original



Klas 1-2

Prome Luga
 Number: G-Xlaine Vrolijk
 Scol: Abraham de Veer
 Titulo di obra: Nenny

Categoría C: Poesia Original Klas 3-6

Prome luga
 Number: Phillip-Johnson Martinus Arion
 Scol: Ceque College
 Titulo di obra: Ta kico falta mi so

Segundo Luga
 Number: Loubens Ocean
 Scol: Abraham de Veer
 Titulo di obra: Hoben Inmigrante

Tercer Luga
 Number: Marie-Jane Vriend
 Scol: Mon Plaisir College
 Titulo di Obra: Incompleto

Categoría F: Cuenta Original

Klas 3-6

Prome Luga
 Number: Eliziën Antersyn
 Scol: Colegio EPI
 Titulo di obra: E Faro bieu

Segundo luga
 Number: Eden Antersyn
 Scol: Abraham de Veer
 Titulo di Obra: E avion mal paga

Tercer Luga
 Number: Qryna Alleyne
 Scol: Colegio Arubano
 Titulo di obra: E Cambio

Categoría G: Rap

Prome Luga
 Number: Isdell Hyacinme
 Scol: Colegio EPI
 Titulo di obra: Nos Muchanan

Segundo Luga
 Number: Ben Abdon
 Scol: Abraham de Veer
 Titulo di obra: Un baile cu

diabel

Tercer Luga
 Number: Lens Julien
 Scol: Maria College MAVO
 Titulo di obra: Black

Ganador Absoluto
 Number: Phillip-Johnson Martinus Arion
 Scol: Ceque College
 Titulo di obra: Ta kico falta mi so

Nos kier gradici di curason tur participante pa nan entrega y balentia, y tur docente, mentor y famia pa nan guia y sosten continuo. Masha danki, tambe pa e comision organizado di Arte di Palabra Aruba, forma pa Departamento di Cultura Aruba (DCA) cu sosten di Fundacion Corector di Papiamento (FCP), pa nan contribucion pa promociona nos idioma y cultura. Nos ta invita pueblo Arubano pa sigui apoya nos hubentud den nan desaroyo creativo y linguistico. Arte di Palabra ta hopi mas cu un competencia, e ta un plataforma pa lanta bos, pa conta historia, y pa uni nos pueblo den amor pa Papiamento.

Marvin Levy, e publicista di Steven Spielberg y un recipiente di Oscar, ta fayece cu 96 aña

(AP) – Marvin Levy, e publicista di Steven Spielberg pa mas cu cuater decada y e unico persona den su ramo cu a ser reconoci cu un Oscar, a fayece. E tabatin 96 aña.

Levy a fayece dialuna na Los Angeles rondona pa sernan ker, segun representantenan di Amblin Entertainment a bisa diaranson. No a duna ningun causa di morto.

“Marvin su fayecimento ta un perdida grandi pa ami y nos industria. Tin hopi ehecutivo di PR talentoso, pero Marvin tabata unico,” Spielberg a bisa den un declaracion. “Mi ta agradecido pa tur nos añanan hunto. Marvin nunca no a faya di pone mi hari, nunca e no a stop di hari. Nos lo sinti bo falta Marvin. Semper lo bo ta den nos curason y bo memoria semper lo pone nos hari.”

Levy su asociacion di hopi tempo cu Spielberg a hacie un di e publicistanan mas renombra y respeta na Hollywood. Durante su carera di 70 aña, el a traha riba campananan pa pelicula clasico manera “Taxi Driver,” “Kramer vs. Kramer,” “Close Encounters of the Third Kind,” “Back to the Future,” “Schindler’s List,” “Jurassic Park” y “Gladiator.”

Na 2018, Levy, un miembro di hopi tempo di e ramo di relacion publico di e academia di pelicula, a bira e prome y unico publicista pa ricibi un Oscar honorario di e Academia di Arte y Ciencia di Pelicula. Ningun nomber di publicista a ser presenta pa e premio prome cu esun di Levy.

“E tabata un sorpresa pa mi. Mi no por a imagin’e,” Levy a conta The Associated Press na 2018. “No ta manera mi por a bisa ‘Hombo, mi lo kier haya esey un dia.’ E no tabata riba mi lista di cosnan pa haci.”



Naci na Manhattan dia 16 di november 1928, Levy a crece den e parti oost di Merca y a bay Universidad di New York. Aunke e nunca a pone su mes pa ta un publicista especificamente, e tabata sa cu e tabatin un talento cu palabranan. Un di su prome trabounan tabata skirbi preguntanan pa un programa di quiz di television. Pero el a ser kita for di trabou ora su pregunta di “big ticket” a ser contesta mucho trempa den temporada.

Su prome trabou di publicidad tabata na MGM na New York, caminda e tabata asina abou riba e escala cu nunca e no por a biaha pa Los Angeles, pero caminda el a traha riba campananan pa peliculan manera “Gigi” y “Ben-Hur.” Ora e compania tabata trahando ariba un “Mutiny on the Bounty,” nobo, e tabata sa cu tabata tempo pa sigui.

Pronto Levy a topa cu publicistanan legendario Arthur Canton y Bill Blowitz, y despues Columbia Pictures cu a hib’e California. Tabata durante e tempo ey cu el a cuminsa traha cu Spielberg cu a caba di dirigi “Jaws.” Nan a bis’e cu e mester concentra solamente riba “Close Encounters.” Pa 1982, el a bay full -time cu Spielberg y

no a wak patras.

Mientras e tabatin hopi punto halto den e industria, Levy tambe a recorda un kiebro di curason grandi ora “Saving Private Ryan” a perde e trofeo di mihor pelicula contra “Shakespeare in Love” na e di 71 Oscar. “Esey tabata e anochi di mas duro di mi bida pa



loke ta trata e industria,” Levy a bisa. Pero el a pone un cara balente na e Bala di Gobernador despues di e ceremonia. Tom Hanks a presenta e Oscar honorario na Levy na 2018, señalando cu ta tuma, “un contador di storia pa pone un publico pega na e storia sin duna e storia.”

Levy a keda dedica na Spielberg, y Amblin Entertain-

ment, te na su retiro completo na 2024. P’e, nunca e no a bira bieu. “Con hopi suerte bo por tin? Honestamente,” el a bisa na 2018. “Nos ta traha pa e mihor trahador di pelicula cu tin.”

Levy ta laga atras su casa di 73 aña, Carol, nan dos yiu homber, Don y Doug, y dos nieto, Brian y Daniel.






FLY TOGETHER, SUSTAIN TOGETHER

BEACH CLEAN-UP!

JOIN NOS PA UN BEACH CLEAN-UP Y HISAMENTO DI FLI!

FECHA: DIASABRA 12 DI APRIL 2025

ORARIO: 7:00AM - 10:00AM

LUGA: ANKER CORA COLONY

- REFRESHMENTS Y SNACKS TA INCLUI.
- REGISTRACION TA CUMINSA 6:45AM.
- TRECE BOTER DI AWA REUSABLE Y SUNSCREEN.
- PROME 50 INSCRIPCION TA HAYA UN FLI REUSABLE GRATIS!

REGISTRA AWE MES!



WHATSAPP 5945860 PA MAS INFORMACION Y/OF PA REGISTRA

Atletanan femenino lo ta mayoria na Weganan Olimpico di Los Angeles 2028

Despues di un victoria grandi pa futbol femenino

(AP) — Atletanan femenino lo ta den mayoria na Weganan Olimpico pa prome biaha na e Weganan di Berano di Los Angeles 2028 danki na un victoria grandi pa futbol femenino.

E torneo Olimpico di futbol femenino lo ta mas grandi cu esun di hende homber pa prome biaha na 2028, e Comité Olimpico Internacional a dicidi diaranson, cu 16 ekipo pa hende muher y awor solamente 12 pa hende homber, birando e desbalansa di genero na e Weganan Olimpico di Paris cu tabatin 16 ekipo di homber y 12 den e torneo di muher.

E decision ey di e hunta ejecutivo di IOC a yuda pusha e cuota central di atletanan pa LA na 50.7% muher y 49.3% homber, 5.333 pa muher y

5.167 pa homber, IOC a bisa.

E gap ta keda cera un poco ora atletanan pa e deportenan cu ta ser agrega specialmente na e programa di LA, cu ta envolvi 322 competencia femenino y 376 masculino — ta ser inclui. E deportenan ey ta inclui cricket, futbol di bandera y lacrosse.

E progreso historico pa atletanan femenino a ser haci den un reunion di directiva online diaranson na Lausanne pa prome biaha pa Kirsty Coventry como presidente eligi desde su victoria luna pasa. Na juni e lo reemplasa su mentor Thomas Bach formalmente y bira e prome lider femenino di IOC den su historia di 131 aña.

Dos ekipo femenino mas a ser agrega den water polo di manera cu e torneo na Los

Angeles lo ta igual cu e evento masculino cu 12 nacion cada un. Bokseo lo tin un clase di peso extra pa hende muher pa iguala e aliniacion masculino di shete evento di medaya.

“E mensahe di igualdad di genero ta un realmente importante pa nos,” director di deporte di IOC Kit McConnell a bisa. “Nos ta gradici LA 28 pa sostene esaki. E ta central pa nan vision tambe.”

E caso pa cambio
E decision principal di IOC tabata drecha un desigualdad desde cu futbol femenino a debuta na e Weganan Olimpico di Atlanta di 1996 cu solamente ocho ekipo, mitar di e torneo masculino.

E directiva a confirma un proposicion revela diahuebs ultimo pa e presidente di FIFA, Gianni Infantino ora el a hiba palabra den e reunion anual di e organismo di futbol Europeo UEFA.



E caso pa cambio a ser haci convincente pasobra e torneo di futbol femenino ta un titulo di nivel halto cu ekiponan nacional ta manda nan mihor hungadornan.

Tabatin 16 ekipo di futbol masculino na cada Weganan di Berano for di Moscu na 1980 te cu Paris aña pasa.

E aliniacion di hende muher a aumenta te na 10 ekipo na e Weganan Olimpico di Atenas di 2004 y despues te na 12 cuater aña despues na Beijing.

Hende muher y hende homber ta competi hunto

Golf y e relay di sprint di 4x100 ariba pista ta entre eventonan cu lo tin ekipo di genero mixto pa prome biaha na Los Angeles.

Otro eventonan nobo di ekipo lo ta den gimnasia artistico, tiramento di flecha, remo na costa y tennis di mesa.

Un record Olimpico nobo di 351 evento di medaya na 2028 lo consisti di 161 pa hende muher, 165 pa hende homber y 25 evento mixto, IOC a bisa.



Salada Caprese

Ingrediente:

4 tomati grandi y hecho corta den slice diki
½ kg di keshi mozzarella fresco corta den slice diki
2 cuchara di azeta di oleifi
Yerba di hole fresco
Salo di lama refina
Peper preto recién moli na gusto.

Preparacion

Pone e slicenan di tomati den un tayo grandi. Agrega e slice di keshi riba e tomati y caba cu un blachi di yerba di hole. Bash'e cu azeta di oleifi, sazón'e cu salo y peper. Tin diferente forma di presenta e Caprese. Riba e potret tin un bunita manera pa haci'e. □

Aruba Bank awor ta manda seguro di auto via email Liher, facil y sigur



Aruba Bank ta anuncia su actualisacion nobo y conveniente pa tur su clientenan. Awor tur seguro di auto lo wordo manda digitalmente via email, eliminando e necesidad di print e seguro di auto.

E iniciativa aki ta haci e proceso mas facil, cu ta reduci e tempo di warda den nos sucursalan y ta yuda na un medio ambiente mas sostenibel door di reduci uzo di papel. Clientenan awor por tin acceso na nan seguro di auto na cualkier momento, cualkier lugar, directamente for di nan

email.

Pa sigura un transicion sin problema, nos ta recomenda tur clientenan pa verifica si nan dato di contacto, specialmente nan email, ta actualisa. Pa mas informacion, clientenan por Whatsapp nos Contact Center na 527-7777.

E transformacion digital aki ta parti di e compromiso di Aruba Bank pa continua y mehora e experiencia di nos clientenan door di solucionnan inovativo y eficiente.

Concierto promete cu wega ta bin pa e finalnan di Liga di Campeonato Femenino na Europa cuminsando e siguiente temporada

(AP) — Conciertonan promete cu wega ta yegando na e etapanan mas grandi den futbol femenino Europeo for di e temporada binidero como parti di un patrocinio di Pepsi anuncia diamars.

UEFA a bisa cu un renobacion di cinco aña cu PepsiCo lo mira shownan di inicio na cada final den e Liga di Campeonato di Hende Muher te cu 2030 y na e Campeonato Europeo 2029.

E final di Liga di Campeonato masculino tabatin concierto desde cu Alicia Keys a presenta prome cu e final di 2016 na San Siro na Milan. Dua Lipa a presenta na e final



di 2018 na Kyiv.

“Fuera di e finalnan, Pepsi lo trece entretenimento na cada buelta di eliminacion di Liga di Campeonato Femenino di UEFA for di e cuart di final

padilanti,” UEFA a bisa den un declaracion.

E Liga di Campeonato di Hende Muher ta ser renoba otro temporada, pa usa e mesun formato di liga cu e com-

petencia di hende homber a debuta e temporada aki, pa yega na e final na e stadion nacional di Noruega na Oslo.

PepsiCo a patrocina e programa di halftime di Super Bowl pa un decada te cu e wega di februari 2022, caminda Dr. Dre, Snoop Dogg, Mary J Blige, Kendrick Lamar, Eminem y 50 Cent a presenta.

UEFA a bisa cu e gigante di bebida ta e prome sponsor di nivel halto pa renoba pa e periodo 2025-30 den un acuerdo cu tambe lo promove e marcanan Lay's y Gatorade. PepsiCo a patrocina e Liga di Campeonato masculino for di 2015.

“E acuerdo tambe lo mira PepsiCo patrocina e Campeonato Europeo di UEFA femenino bou di 19 y bou di 17 aña, y e UEFA Women's Futsal EURO, y tambe e programa di UEFA Together #WePlayStrong, cu ta dirigi na encurasha mas mucha muher y hende muher pa hunga futbol,” e instancia Europeo a bisa.

Te cu 2018, e final di Liga di Campeonato Femenino tabata den e mesun ciudad cu e final di hende homber como un evento di hisamento di cortina. E competencia di hende muher a haya su propio ciudad y escenario cuminsando na 2019.

Miles di imagen intimo haya den investigacion di hacking di ex entrenador di NFL y Michigan

(AP) — Investigadornan a confisca miles di potret y video intimo di un ex-entrenador di futbol asistent di Baltimore Ravens y Universidat di Michigan cu ta ser acusa di a hack den e cuentanan di computador di atletanan universitario, e Departamento di Husticia di Merca a bisa e victimanan.

E revelacion a bin den un presentacion na corte diamars den un demanda contra Matt Weiss y e universidad. Abogadonan pa victimanan a inclui un e-mail cu a ser manda pa gobierno despues cu el a ser acusa na maart.

Weiss a haya acceso na e rednan social, email y cuentanan di storage di cloud di mas cu

2.000 atleta, y tambe mas cu 1.300 estudiante of ex-alumno di scolnan den henter Merca, den un esfuerso pa haya imagenan priva, principalmente di hende muher, segun e acusacion.

E e-mail ta describi y calcula loke a ser haya pa e investigadornan.

“Miles di potret y video sincero y intimo a ser confisca for di e aparatonan electronico di e acusador y for di su cuentanan di storage di cloud. Hopi ta muestra victima sunu. Algun ta muestra victima involvi den actonan sexual explicito,” e Programa di Asistencia di Caso di Victima Mega di e Departamento di Husticia a bisa.

Weiss a declara su mes no culpabel di ladroncia di identidad y acceso no autorisa na computer, di 2015 pa 2023. E y su abogado a nenga di duna comentario tocante e caso.

Na final di e supuesto schema, Weiss tabata e co-coordinador ofensivo di Michigan na 2022 ora cu e Wolverines a caba 13-1 y a hunga den e Playoff di Futbol di College. El a ser kita for di trabou na 2023 durante un investigacion di su uso di computer. Mas prome el a pasa mas cu un decada cu Baltimore Ravens di NFL.

E coach di Los Angeles Chargers, Jim Harbaugh, kende tabata e hefe di Weiss na Michigan, a yama e acusacionnan “impactante.” Su



ruman homber, John Harbaugh, coach di e Ravens, a usa e mesun palabra ora e tabata papia cu reporteronan na e reunion anual di primavera di NFL.

Parker Stinar, un abogado cu a presenta un di hopi deman-

da contra Weiss, e universidad y un bendedor di tecnologia di pafor, kier pa un hues ordena nan pa cuminsa entrega prueba di loke a pasa. E universidad no a comenta riba e demandanan y tin simannan pa contesta formalmente den corte federal.

Sarah-Quita Offringa ta gana brons den e apertura di temporada di World Cup Wave

(Aruba.nu) – E campeon mundial di ola reinante, Sarah-Quita Offringa di Aruba, a gana un medaya di brons na e prome Copa Mundial di temporada 2025.

Na Matanzas, Chile, Offringa a termina na di tres lugar tras di e Spaño Alexia Kiefer Quintana y e Australiano Jane Seman. Remarcable ta cu Quintana tambe a bay cu e victoria den categoria junior.

A pesar di su di tres lugar, Offringa lo no keda malcontento. Aña pasa el a salta e competencia na Chile, pero asina mes a logra gana e titulo mundial. Tambe el a ser corona como campeon mundial den e disciplina di ola den e cuater temporadan anterior (sin interrupcion pa motibo di e pandemia di corona).

Offringa ta keda e gran favorito pa gana e titulo mundial e aña aki.



Scolnan cu ta depende riba vigilancia digital ta haya cu seguridad toch mester di ser humano

(AP) - 4 año pasa, un estudiante na Rigby, Idaho a los tiro contra y herida 2 alumno y un docente na scol. E tragedia aki a causa cu e oficialnan di e scol mester a reevalua con prevencion di menasa ta den e distrito.

Awo, Hope Squads mancha pa estudiante ta yuda cu posternan traha na cas y asambleanan. Tatanan voluntario ta patrulla e scolnan via Dads on Duty. Un ekipo di consehero, empleado social y oficialnan ta reuni pa atende y sostene e studiantenan cu ta encontrando problema. Danki na un prohibicion nobo di celular, studiantenan ta papiando mas cu otro tambe. E resultadonan positivo di e esfuersonan aki combina ta halto.

“Nos a yuda cambia .. bida,” Brianna Vasquez, miembro di Hope Squad a comenta. “Mi tin amigonan cu a logra sali for di depresion y pensamiento suicida danki na Hope Squad.”

Docentenan na Merca ta trahando duro a preveni daño manera e tiroteo na Rigby. Varios distrito di Merca a busca refugio den tecnologia - specialmente vigilancia digital - como e antidoto. No tur hende ta di acuerdo cu esaki, pa motibo cu por tin problema manera privacidad y seguridad. Sin un acuerdo amplio riba cua estrategia ta traha miho, algun distrito ta purbando un combinacion di tecnologia, evaluacion di



menasa na e sitio y sosten pa salud mental.

Jennifer DePaoli, un investigador na Learning Policy Institute cu a studia seguridad na scol, a bisa cu un estrategia multiple y prolonga ta “hopi sensible.”

Na Rigby, e educadornan ta prefera interaccion humano. Inteligencia Artificial y sistemanan di vigilancia digital posiblemente ta menos probable di identifica ken ta come su so of ta apartando di su amigonan. “Tur cos ta trata cultura,” Chad Martin, hoofd di e disritcto escolar, a comenta. “E ta cuminsa cu esey - djis un amigo, of un grupo di amigo, tin un conexion un caminda.”

Docentenan di scol Rigby ta usa tecnologia pa detecta menasa, incluyendo un aplicacion, STOPit, cual ta permiti studiantenan anonimamente reporta preocupacionnan di seguridad y ta monitor studiantenan pa terminonan

preocupante. Martin a bisa cu esaki ta yuda pero e mester keda usa conhuntamente cu iniciativanan lidera pa ser humano.

E distrito su version di un ekipo di evaluacion di menasa ta un di e hermentnan cu mas impacto, segun Martin. Den un combersacion di grupo mensual, empleadonan di scol por realiza cu un estudiante cu no ta bayendo scol tin un mayor cu recientemente a keda deteni, por ehempel.

“Tur hende tin un pida chikito di informacion,” Martin a comenta. “E meta ta pa esnan cu ta den e mesun camber por pinta e imagen cu ta yuda nos sostene e muchanan.”

Aunke Idaho no tin mandato pa e uso di ekiponan di evaluacion di menasa den scol, 11 estado si tin esaki. Den 2024, National Center for Education Statistics a reprotar cu 71% di scolnan publico na Merca tin un ekipo pa evaluacion di menasa.



Un model lider, usa pa miles di distrito, ta Comprehensive School Threat Assessment Guidelines (CSTAG). Esakinan a keda desaroya pa psicologo clinico forense Dewey Cornell despues cu el a pasa añanan estudiando homicidio cometi pa muchanan of hobennan, incluyendo tiroteonan na scol. El a bisa cu tecnologia di vigilancia digital por ofrece scolnan e “ilusion di seguridad.”

Cu CSTAG, ekiponan cu ta consisti di empleadonan di scol ta usa un proceso di varios paso ora cu e menasanan surgi. E grupo ta suspende of reloca un estudiante mientras cu ta haci screening di salud mental, facilitando un implementacion di investigacion di ley y desaroyando un plan di seguridad.

Si implementa esaki correctamente, Cornell a bisa, e estrategia aki tin mas rais den intervencion. Cornell ta co-autor di un estudio recientemente hacin a florida, unda ekiponan di evaluacion di menasa ta obligatorio, hayando un “tasa abao di suspension of tasa hopi abao di accion di autoridadnan. Si bo ta un consehero di scol y bo por traha cu un mucha cu problema y logra cu nan bay den bon caminda, bo no ta solamente preveni un tiroteo na scol, pero bo ta hopi mas probable den prevencion di un tiroteo cu por sucede otro caminda y porta añanan den futuro,” el a comenta.

E ekiponan aki no ta inmune na critica. Kehonan a surgi tocante con nan ta opera sin conocimiento di estudiante of mayornan, of sin empleadonan cu ta representa muchanan cu tin necesidadnan special of tocante discriminacion contra studiantenan etnicamente diferente.

Learning Policy Institute su DePaoli a bisa cu tin mester di mas investigacion tocante con pa exitosamente identifica e menasanan y provee studiantenan cu sosten apropiada.

Utah su Jordan School district ta usa e model di CSTAG. Travis Hamblin, director di servicio pa estudiante, ta credita “conexion di ser humano” cu fortificacion di e distrito su estrategia den manera e menasanan, impulsando e seguridad y bienestar di studiantenan.

E miembronan di Hope Squad por ehempel, ta ripara e studiantenan cu ta muestra den mal condicion emocional of isola y ta acerca nan cu sea un saludo of un carichi traha na man. Nos ta “muestra nan cu nan no ta nan so y nos ta preocupa pa nan,” miembro Dallas Waldron a comenta.

E gruponan aki ta planea eventonan special - manera un siman di actividadnan dirigi na salud mental. Emilie Raymond a bisa cu e tiroteo a demostra cu “hende tin e necesidad di sinti inclui y nan tin cu haya e speransa aki.”

Otro cambio: un prohibicion di celular nobo. Antes, e studiantenan tabata “sinta den skina, isola, ta keda wak un pantaya,” Ryan Erikson, hoofd di Rigby Middle a comenta. Awo, “nan ta hunga wega, nan ta pasa pret.. nan ta berdaderamente combersa.”

Mientras cu e distrito su estrategia contra violencia ta robusto, “e no ta perfecto,” Martin a comenta. “Te ainda nos tin cosnan cu ta surgi pa cual nos no ta prepara of no tabata den nos radar. Pero nos ta atende nan y nos ta purba haci loke nos por pa sostene e muchanan.”



Accidente hit & run diamars madruga na Wilhelminastraat

Diamars madruga a drenta informe di un accidente na parada di bus na Doña Clara, mesora a dirigi un patruya na e sitio.

Na yegada di e patruya a bin compronde cu aki ta trata di un accidente hit & run unda un chauffeur a purba hala kita pa un otro auto pero toch a dal esaki y a sigui core bay. Polis a haya tur informacion di e otro auto for di e testigo



cu a mira tur cos y a pasa esaki na polis.

Afortunadamente ningun hende a resulta herida.





Chauffeur di truck a reverse pa evita dal cu un bobcat para den caminda pero a bay dal otro auto

Diamars madruga a drenta informe di un accidente den Tunastraat, mesora a dirigi un patruya na e sitio.

Na yegada di e patruya a nota bobcat para den caminda y e chauffeur di e truck mester a manobra den reverse pa no dal Bobcat para riba caminda a bay dal auto para riba acera.

Afortunadamente ningun hende a resulta herida.



Homber a agredi su pareha na estado



Dialuna anochi a drenta informe di un caso unda un muher na estado a ser agredi pa su pareha na Primavera, mesora a dirigi patruyanan y ambulans na e sitio.

Na yegada di e patruyanan mesora a purba tranquilisa e situacion y a haya ta miho pa e homber cu a agredi e dama

bay for di e sitio. E mama a percura pa saca e homber for di e cas y p'e bay keda otro caminda. E situacion a medio calma y e homber por a bandona e cas trankilamente. Na

yegada di e ambulans nan a papia cu e victima pero e mes a firma un papel cu e no kier bay hospital.

E personal a adverti e kico

por pasa y pa e tuma e pasonan adecua na bienestar di e criatura.

Desconocidonan a tira nan desperdicio di nan cas na Alto Vista

Dialuna atardi un di nos bishitantenan a manda nos foto di desperdicionan cu a ser tira banda di caminda di Alto Vista.

Esaki ta un mahos bista pa e turistanan cu ta bishitando nos isla. Sea conciente deposita desperdicionan corectamente.



Accidente cu hende herida pa falta di preferencia na Guyabastraat y Caya Papa Juan PabloII



Dialuna atardi a drenta informe di un accidente cu hende herida na crusa-da Guyabastraat cu Caya

Papa Juan PabloII banda di ATCO, mesora a dirigi tanto polis como ambulans na e sitio.

Na yegada di e patruya a bin compronde cu un Toyota Vitz no a duna un Mercedes

Benz preferencia y nan a dal den otro. E Vitz a haya basta daño y e dama den e Mercedes Benz a resulta levemente

herida. Na yegada di e ambulans nan a atende e dama na e sitio mes.

Durante tour cu quad racer un turista a baha caminda, dal na un piedra y bolter



Dialuna merdia a drenta informe di un accidente cu hende herida na Sabanilla Abao, mesora a dirigi tanto polis como ambu-

lans na e sitio.

Na yegada di e patruya a bin compronde cu aki ta trata di un accidente unda un turista

durante un tour riba quadra-cer e dama turista a baha caminda dal na un piedra, bolter y a cay herida su mes. Na yega-da di e ambulans a atende e

dama pero como e oficial a bini cu e pick-up e no por a transporte y a pidi pa un ambulans mes bini cu urgencia. Na yegada di e ambulans nan

a pone e dama den e ambulans atende y a transporte cu urgencia pa hospital.

Accidente hit & run na Koyari; auto a dal muraya di cas y a sigui core bay



Dialuna atardi a drenta informe di un accidente na Koyari, mesora a dirigi un patruya na e sitio.

Na yegada di e patruya a bin compronde cu aki ta trata di un accidente hit & run unda

e chauffeur a core bandona e sitio. Pero afortunadamente a logra wak number y model cu marca di e auto y esakinan a ser pasa pa departamento di polis di trafico cual lo sali bay busca e chauffeur y e auto aki.

Chauffeur di un Jeep no a regula su velocidad ni a mantene distancia y a bay dal tras di un auto na Morgenster



Dialuna atardi a drenta informe di un accidente na Morgenster unda e chauffeur di un Jeep no

a regula su velocidad ni a mantene distancia.

Pero promer cu polis a yega

ya nan a resolve e daño entre nan mes.

Ban Busca Webo na Playa Pabao

Directiva di Centro di Bario Playa Pabao ta anuncia su proximo actividad cual lo ta “Ban Busca Webo na Playa Pabao”. E Actividad aki ta tuma lugar diadomingo 20 di april, mainta di 9’or pa 11’or na nos Centro.

Riba e dia aki tin buscamiento di webo pa muchanan di 4 aña te cu 8 aña. Mayornan por inscribi nan yiu(nan) di dialuna pa diahuebs mainta di 9’or pa 12’or y despues di merdia di 3’or pa 6’or. Diasabra mainta di 9’or pa 11’or un miembro di directiva lo ta na Centro pa tuma inscripcion. Pa e actividad aki directiva di Centro di Bario Playa Pabao ta cobra un contribucion di 7.50 florin. Muchanan lo



ricibi un “hotdog” y “juice” y naturalmente nan tin e oportunidad pa gana un premio. Pa motibonan organisatorio directiva di Centro di Bario Playa Pabao ta haci



un apelacion riba mayornan pa inscribi nan yiu(nan) na tempo y no warda te na ultimo momento. Ultimo dia pa inscribi ta diahuebs dia 16 di april 2025.

Resultado Sorteo <i>April 09</i>							
Cadena Alexander Lottery ta presenta resultado di weganan di suerte							
DIARIO		KORSOU		SUPER4		FLAMINGO	
2194		3870		9646		3478	
9595		4003		SUPER5		1803	
3133		6141		-		1439	

MERDIA		ANOCHI	
Sorteo # 4589		Sorteo # 8518	
1303		7694	
5283		3573	
2445		0545	
X2		FP	
Sorteo # 4589		Sorteo # 7562	
3098		0687	
X2		X2	
Sorteo # 2645		Sorteo # 2267	
9494		8962	
Sorteo # 4589		Sorteo # 6321	
5275		0110	
Sagitario		Aries	
Sorteo # 1463		Sorteo # 1251	
471		757	
FP		X2	

		01-03-04-14-31	
Sorteo # 2583		Joker 21 Letter I	
0 x Jackpot		Proximo Jackpot	
0 x Match 4+		300.000,-	
9 x Match 4			
251 x Afl. 12,00			
		02-10-12-13-27	
Sorteo # 6795		Proximo Jackpot	
0 x Jackpot		52.000,-	
3 x Match 4			
140 x Afl 8,00			
Sorteo #		Mega Ball	
0 x Jackpot		Proximo Jackpot	
0 x match 4		365.000,-	
0 x Afl. 500,00			
0 x Afl 50,00			
0 x Afl.15,00			
		Afl. 550.000,-	
Sorteo #			

Lotto ta introduci un miembro nobo di Instacash “Give Me 5”!



Diahuebs 10 di april, Lotto, e loteria di Aruba, ta contento di por anuncia un integrante nobo “Give Me 5” den e famia di Instacash cu lo duna bo e oportunidad paga na placa cash al instante!

Abo ta cla pa gana placa instantaneamente y no mester warda pa sorteo? Desde mañan diabierna 11 di april Lotto lo trece un adicon mas na e famia di Instacash cu ta yama Give Me 5.

Con pa hunga: Bishita bo rebendado di Lotto preferi y pidi pa e wega di Give Me 5 desde mañan. Ora bo cumpra e wega di Give Me 5, bo ta ricibi un ticket for di bo rebendado pa e wega. Riba e ticket bo ta wak diferente number. Ora cu bo match completamente cualkier di e numbertan ganado cu tur e numbertan den e liña horizontal, bo ta gana e premio riba e liña cu bo a match. Cada liña ta wordo hunga separa.

E prijs pa e ticket di Give Me 5 ta costa 2 florin y bo por

gana diferente premio te cu e premio grandi di 2.500 florin!

Instacash ta duna bo e oportunidad pa hunga bo weganan preferi manera 5X The Cash, 10X The Cash, 20X The Cash, Bingo, Money Tree, Match for Cash, Hot Numbers, e famia di Instant Jackpot, Tic Tac Cash, Shooting Star, Buckets of Cash, Strike, Stack-O-Cash, High Voltage Cash y awo Give Me 5 cu ta duna bo e chens pa gana placa al instante!

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

**Cas Di Cultura**

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

**Dokter na warda**

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Sta. Cruz: **San Lucas**
Tel. 585 8028 **Tel. 584 5119**

EMERGENCIA**911****POLIS**

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Corea di Sur lo tin un eleccion presidencial dia 3 di juni pa scoge sucesor di Yoon

(AP) - Sur Korea lo tin un eleccion presidencial dia 3 di juni pa elegi Yoon Suk Yoel su sucesor despues cu a destitui su persona pa impone e ley marcial fin di aña pasa.

E anuncio di presidente Han Duck-Soo a bini 4 dia despues cu Corte Constitucional a unanimemente kita Yoon for di su cargo, cual pa ley, mester keda sigui pa un eleccion dentro di 60 dia. E siguiente presidente lo fungi un termino completo di 5 aña.

Polarisacion politico profundo ta probable di duna forma na e eleccion den un enfrentamento entre Yoon su People Power Party y su rival liberal Democratic Party, cual tin un mayoria den e Asamblea Nacional.

E lo ta un bataya pa People Power Party mientras e ta sigui lucha pa restaura e confianza publico y ta cura division interno severo cu Yoon su decision a laga atras. E enfoque di atencion ta riba si e conservativonan por yega na un candidato fuerte pa competi contra e candidato pa Democratic Party Lee Jae-Myung, ken observadornan ta bisa ta un lider cla di e careda.

Corea di Sur su partidonan politico ta anticipa di cuminsa e proceso pa selecta nan candidato presidencial den e simannan binideor.

Democratic Party su candidato ta premira di ta Lee, un lider di partido poderoso cu no ta enfrenta desafio grandi dentro di e partido. Lee, ken por poco a perde e eleccion di 2022 contra Yoon, a lidera e partido durante un crisis den cual varios di su miembronan a enfrenta contra trupanman manda pa Yoon, cu e ordo di rondona e edificio di Asamblea Nacional, a logra deshaci di e ley marcial y despues a logra cu a kita Yoon for di su cargo.

SALE!

Mueblenan y articulo di cas !
diadomingo 13 april
10:00 am pa 3:00 pm
Sero Colorado 1527

219170

TA BENDE

Kia Optima
Kia Picanto pa piesa y
drechable
Honda Civic
Tel. 566 5275

219167



Pronostico di tempo

Tempo:

Awe noch: parcialmente te hopi nubla y generalmente seco

Den marduga y mañan: parcialmente nubla cu un awasero breve

Temperatura maximo 31
grado celsius

Temperatura minimo 26
grado celsius

Indice di calor (heat index)
den y rond di oranan di merdia: 32 pa 38 grado celsius

UV index: 12

Bahada di solo : 6:52 pm

Subida di solo : 6:30 am

Biento:

Modera te basta fuerte for di direccion oost;

Forsa 4 te 5 (20 te 39 km/ora, 11 te 21 nudo)

Den di dia posiblemente fuerte den rafaga;

Forsa 6 (40 te 50 km/ora, 22 te 27 nudo)

Situacion general di tempo pa proximo 24 ora:

Un disturbio den nivelnan mas halto di atmosfera ta zorg ainda pa basta nubia den nivelnan halto, mientras e ta alehando for di region.



De bes en cuando nubianan den nivelnan mas abou lo por pasa riba e isla y produci un awasero breve localmente. Stof fini di Sahara ta drentando region local y lo stroba visibilidad un poco durante proximo dianan. Personanan cu tin sensibilidad pa cambianan den calidad di aire mester tene esaki na cuenta.

**Condicionnan maritimo/
estado di lama:**

Na partinan protegi di costa: keto, rond di 1 pia.

Na partinan zuid: Modera, cu lama di 1 pa 2 pia.

Na partinan oost te noordwest di costa: Generalmente modera cu olanan di 4 pa 6 pia.

Aurora

Royal Pray

Funeral Home & Crematory

Laga tur locual cu ta sperami ta bunita.
Laga tur locual cu mi encontra na caminda ta bunita.
Laga tur locual cu ta rondonami ta bunita.
Laga tur locual cu mi laga atras keda bunita y laga esakinan termina den tur bunitesa.
Cado Wever



Cu inmenso dolor na nos curason pero conforme cu boluntad di Dios y agradecido pa tur loke e la hasi y significa pa nos, nos ta anuncia fayecimento di nos ser stima:

Maria Jansen
"Mama Ia, Mia of Mama"
*16-09-1942 - †04-04-2025

Na number di su: **Compañero di bida:** †Michel Laurence

Yiunan:

Julio y Astrid Jansen – Werleman y famia
Diana y Elco Kock – Laurence y famia
Yolanda y Joel Thomas – Laurence y famia
Michell Laurence y famia
Mayra Laurence y famia

Nieto- y nietanan:

Richard Jansen y famia
Patrick Jansen
Kendrick Jansen y Ellie Genadry
Dianié Croes y Ulrich Hoek
Armando Croes y Maria Arends y famia
Elco Kock y Laurainne Thiel y famia
Albert de Cuba y Ariathne Tromp y famia
Kenya de Cuba y Sigmund Kelly
Angelo Laurence y Mairi Naranjo
Milton Laurence y Paola Suarez
Michelline Laurence y Shaun Murray y famia
Lahian Laurence
Michellena Laurence
Ruthmayra Koolman y famia
Edwin y Emelyn Geerman – Ras

Rumannan:

†Maximina y †Crismo Angela y famia
Irma y †Bernardo Quandt y famia
Catarina y †Egidio Maduro y famia
Johanita y Ady Laurence y famia
Benito y Lilian Jansen y famia
Greta y †Jacobo Rasmijn y famia
Gloria y Pablo Kelly y famia
†Dominico Jansen y famia
Jacobo y Altagracia Jansen y famia
Alex y Marieta Jansen y famia

Amiga stima: Eileen Snijders y famia

Bisanieto- y bisanietanan, subrino- y subrinanan, ihanan, primo- y primanan, su famia di Camacuri HDC Aruba y tur su amistadnan di bikers di Aruba, Curaçao, Bonaire y Suriname, tur su amistadnan di Bingo y grupo di oracion San Dominico de Guzman.
Un danki special ta bai na dokter Franca, dokter Lauffer, Edmund E. Harms Foundation;
Marlene Stamper y Naduish Schairer y na Wendy Kelly cu a yuda cuide.
Demas famia: Jansen, Laurence, Koolman, Werleman, Kock, Garcia, Thomas, Croes, Arends, Hoek, Genadry, Thiel, de Cuba, Tromp, Murray, Geerman, Ras, Angela, Quandt, Maduro, Rasmijn, Kelly, Martinus, Arnold y Cornelie.

Nos disculpa si den nos tristesa nos por a lubida algun famia, amistad y/of conoçir.
Oportunidad pa condolencia: diamars 15 di april 2025 di 7.00pm pa 9.00pm na Aurora Funeral Home.
Ta invita pa asisti na e acto di entierro cu lo tuma lugar diaranson 16 di april 2025 na Misa Inmaculada Concepcion na Santa Cruz di 2.00pm pa 4.00pm y despues lo sali pa Santana Pastoor de Vries na Santa Cruz.
En bes di flor of krans lo nos aprecia un donacion na Edmund E. Harms Foundation, lo tin un box disponibel pa e bunita gesto aki.
Ta pidi encarecidamente pa bisti colornan alegre y no na rauw.

Nos disculpa cu despues di entierro nos no por ricibi bishita di condolencia na cas.

Aurora

Royal Pray

Funeral Home & Crematory

E mortonan no ta biba caminda nan ta dera, e mortonan ta sigui bibi den e recuerdonan di e bibonan, tanten cu e recuerdonan ey ta keda bibo.



Cu profundo tristeza y agradecido pa tur loke E a haci y a nifica pa nos, nos ta anuncia fayecimento di nos ruman y tanta:

Catharina Juliana Hernández-Navas
*Aruba, 30 april 1945 - †Groesbeek, 3 april 2025

Mayornan:

†Maria y †Nemencio Hernández-Navas

Na number di su:

Rumannan:

†Efigenia y †Bernardino Thiel-Hernández
†Poli y Chanita Hernández-Boekhoudt
†Ildo y Angela Hernández-Paesch
Dora y †Frenk Koolman- Hernández
†Olga Hernández
Ludwina y †Roy Angela-Hernández
†Fernando Hernández

Subrinonan:

Silvio y Carmen Thiel-Brete
Vilma Thiel
Robert Thiel
†Efi y Thelma Thiel-Semeleer
Lourdes y Thomas Dirksz-Thiel
Bea Hernández
Franco Koolman
Jean-Paul y Iluniza Hernández-Croes

Sobre subrinonan:

Marcio y Jenny Thiel-Caster
Nuka Thiel
Rozanne Thiel y Garvin Albertus
†Melanie Thiel
Jonathan Thiel y Isabella Guzman
Tiffany van Gerwen y Teun van Vught
Stephanie Thiel
Efigenio Thiel
Jevon Kock y Charissa Kock-Spencer

Sobre sobre subrinonan:

Sylvano, Dynand y Melissa, Celyna y Yochen,
Guyliano, Roglyio Thiel
Isabela y Eva Donata
Ro-Endry Bryson
Jayzley Brown

Sua y cuñanan, primo y primanan, amiga y amigonan y demas famianan:

Hernández, Navas, Thiel, Brete, Kock, Dirksz, Semeleer, Koolman, Angela, Boekhoudt, Paesch, Kelly, Tromp, Salaz, Donata, Bryson, Caster, Croes, Albertus, Spencer, Brown, van Gerwen

Adres di corespondencia: De Weem 1, 6534 VA, Nijmegen, Nederland.

E acto di despedida lo tuma lugar diasabra 12 di april pa 11:00 am, ora di Hulanda den auditorio di Waalstede Dela, Staddijk 130 na Nijmegen.

Despues nos lo compaña Catharina na graf di famia, na santana di Jonkerbos, Winkelsteegseweg 78/80 na Nijmegen.

Aruba:

Diasabra 12 di april 2025 lo tin un Santo Sacrificio di misa pa defunto Catharina J. Hernández pa 19:00 di anochi na Misa Inmaculada Concepcion na Sta Cruz pa descanso di su alma y tin oportunidad pa condoleer famia.

Aurora

Royal Pray

Funeral Home & Crematory

Lagrima y flornan por seca, su recuerdonan y tur loke el a haci y significa pa nos, cu lo keda graba pa semper den nos mente y curason.
"Cerca Dios mi alma ta na paz, ta di DJ'E mi salvacion ta bin"
Salmo 62:1

Cu tristeza na nos curazon nos ta anuncia fayecimento di:



Irenio Winterdaal
Cariñosamente yama "Papi Nani"
*15-12-1932 - †08-04-2025

Na number di su:

Casa: †Irma Winterdaal-Angela
Yiunan: Johnny y Swinda Winterdaal-Ras
Gloria y Clifton Ahlip-Winterdaal

Nietonan: Ghislaine Winterdaal y Taino Heinze
Johnny Winterdaal
Mayrene y Yannick Wilsoe-Winterdaal
Tj y Joelly Ahlip-Croes
Ashlin y Amelie Ahlip-Rahnavall

Manera nieto: Danila y Guido Thielman-Petit y famia
Lorraine Petit y Gerardo Janga y famia

Bisanietonan: K-li Ahlip, Amber Ahlip y Mateo Wilsoe

Mama di su bisanietanan:
Natasha Tromp y Keith Refunjol
Jacelyne y James Kiley-Kerpens

Rumannan:

†Olinda y †Luis Anthony y famia
†Meliana y †Otis Buddy y famia
†Felecita y Cornelis Angela-Winterdaal y famia
†Pablo Caraballo
†Maria luisa Caraballo
Nicomedes y Aura Caraballo y famia
Anna y †Norwin Wanga-Caraballo y famia
†Luisito Caraballo
†Lionor Tromp-Lopez y famia
†Juan Lopez y famia
†Roman Lopez y famia
†Nicolina Croes-Lopez y famia
Cira Quant y famia Laurence

Swa y cuñanan:

†Theresita y †Bothier Medford-Angela y famia
Cornelis y †Felecita Angela-Winterdaal y famia
Mario y Ricarda Angela-Arends y famia
Norman Angela y famia
†Pedro Angela y famia
†Andres Angela y famia
Elsa Angela y famia
†Rudy Angela
Olinda y Sito Schwengle-Angela y famia
Yolanda y Josef Spellen-Angela y famia
Rosilia y †Cado Sutherland-Angela y famia
†Rosimbo y Patricia Angela-Slater y famia

Consuegra: Olga Ras

Ta invita primo y primanan, ihanan y demas famia y conoçirnan pa asisti na e acto di entierro diabierna 11 di April 2025.
Nos difunto stima lo reposa na Pray Funeral Home for di 2'or te cu 4'or di atardi.
Despues nos lo Sali cu nos difunto pa Santa Central na Sabana Basora.

Nos disculpa cu despues di entierro nos no lo ricibi bishita di condolencia na cas.

Aurora

Royal Pray

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23



Nos ta anuncia fayecimento di:

Enrich Orlando Flanegin

Mihor conoci como: "Eric"
*03-12-1950 - †07-04-2025

Na number di su:
Casa: Soila Flanegin-Donata

Yiunan: Gwylenne y Mathieu Cheret
Erica y Patrick Zievinger

Nieto(a)nan:
Dexter Cheret
Nathan Zievinger
Cataleya Cheret
Ariana Zievinger

Rumannan:
†Lidia y †Francisco v/d Linden y famia
Sara y †Francisco Farro y famia
†Jose y Florance Flanegin y famia
†Willem y †Willy Flanegin y famia
Avelino y Linda Flanegin y famia
Iris Flanegin y famia

Swa y cuñanan:
Jorge y Carmen Donata y famia
Norma Donata y famia
Jaime y Amparo Doanata y famia
Linda y Benjamin Dijkhoff y famia
Edwin y Fabiola Donata y famia
Myrna Donata
Gladys Donata
Demas famia: Flanegin, Donata, Ramirez, Hoevertsz,
v/d Linden, Farro, Croes, Bouwman, Franken,
Erasmus, Silva, Cheret, Zievinger, Dijkhoff, Lake y
demas famia.

Nos disculpa si den nos tristeza nos por a lubida un
of otro famia.

Ta invita pa e acto di condolencia y entierro cu lo tuma
lugar diasabra 12 di April 2025 na misa Pro Catedral
San Francisco di 1:00 pa 3:00 pm, despues lo Sali pa
Santana catolico na Playa.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Veel te vroeg uit ons midden
weggenomen, mijn liefde van mijn
leven, onze lieve zoon, broer, oom,
vriend en collega:

Dennis Leonel Cornelis Vakkers

*18-11-1968 - †06-04-2025

Gelegenheid tot afscheid nemen
en condoleren vindt plaats op
zaterdag 12 april 2025 van 09.00
uur tot 11.00 uur bij het



Pray Funeral Home te San Nicolaas. Aansluitend zal de
crematie in besloten kring plaatsvinden.

Aurora

Royal Pray

Funeral Home & Crematory

Dios ta nos refugio,
E ta nos fortaleza,
El a resulta un yudador den mester.
Salmo 46:1

Cu dolor na nos curason, nos ta participa fayecimento di:



Sra. Marissa Merveil

*08-07-1946 - †03-04-2025

Na number di su **yiunan**:
Darol Damisca
Imma Merviel
Guimy Damis

Nietonan:
Darline Damisca
Kencia Damisca
Michelet Damis
Ismael Damis
Stiven Duval
Smith J. Duval

Amiga stima:
Laura

Demas famia: Merveil, Damis, Brice, Baptist, Phigaro,
famia Jean-Louis, famia Guerrier, famia Toppenberg

Ta invita pa **acto di entierro** cual lo tuma lugar na Aurora
Funeral Home diasabra 12 di April 2025 di 2or pa 4or di
atardi. Despues lo sali pa Santana Central Sabana Basora.

Condolencia lo tuma lugar na Aurora Funeral Home
diabierna 11 di April di 7or pa 9or di anochi.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta Dios,
maske mi no ta na e mundo aki, tur dia lo mi ta
banda
di boso Curazon, mi por stens di loke Señor ta
hasi"
Salmo 33

Cu inmenso dolor na curason, mi ta participa
fayecimento di:



Joshua Rampaul

Cariñosamente yama "Josh"
*26-08-2004 - †31-03-2025

Acto di despedida lo wordo anuncia despues

Sobreviviente di atake di tribon ta pone presion riba su estado pa un sistema di alerta



(AP) - Un hoben di Alabama cu por poco a sobrevivi un atake di tribon aña pasa, a bisa cu e ta spera cu e proposicion di un sistema di alerta dilanti legisladornan estatal por yuda mantene otronan safe den awa.

Lulu Gribbin, ken awo tin 16 aña, ta un di e 3 persona cu a sufri un atake di tribon den juni di 2024, durante un cadena di atake na Florida Panhandle. El a perde su man links y un procion di su pia. Diaranson, el a pidi legisladornan di Alabama sostiene un proposicion di un sistema di alerta pa atakenan di tribon.

E proposicion di Rep. Republicano David Faulkner lo establece

un sistema di alerta, similar na Amber Alert System, cu lo emiti un notificacion na e publico ora cu a surgi un atake di tribon no provoca den area cercano. "90 minuut prome cu ami, tabatin otro atake di tribon algun miya leu na e costa," Gribbin a bisa. Si e lo tabata sa di e atake aki, e y su amiga no lo a drenta awa e dia ey, el a comenta. "E proposicion aki lo yuda preveni atakenan y accidentenan den futuro."

Alabama House Public Safety and Homeland Security Committee a avansa e proposicion diaranson. Awo esaki lo bay henter e Cas di Representante di Alabama. Esaki lo marca un sistema prome di su tipo.

Aurora

Royal Pray

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:



Bernadetta Francisca Hamlet-Tromp

*24-08-1958 - †09-04-2025

Acto di entierro lo wordo anuncia despues.

Merca ta restaura yudansa alimentario urgente, pero no na Afganistan ni Yemen, caminda miyones di hende tin necesidad



(AP)—Segun e Departamento di Estado y oficialnan cu a papia cu The Associated Press, e administracion di presidente Donald Trump a revoca varios recorte di yudansa urgente di cuminda pa algun pais, pero a mantene e recorte den Afganistan y Yemen — dos di e paisnan mas pover y mas afecta pa guerra na mundo.

Esaki ta e ronda mas recien di cancelacion di contractnan di yudansa den exterior cu ta core via e Agencia pa Desaroyo Internacional di Merca (USAID), sigui pa revocacionnan inespera. E movida aki ta surgi mientras cu e administracion Republicano y e consehero di Trump, Elon Musk, via su Departamento pa Eficiencia Gubernamental (DOGE), a desmantela USAID y a haci reduccionnan drastico di yudansa den exterior, afirmando cu e gasto ta un malgasto y ta sirbi e causa liberal.

Durante weekend, Merca a manda notificacion pa termina e financiamiento pa programanan alimentario urgente di e Organizacionnan di Nacionnan Uni (UN WFP) den mas cu decenas pais. Oficialnan di yudansa a adverti cu e recorten por pone miyones di refugiado y otro hende vulnerable den riesgo, y por destabilisa mas region ya plaga cu conflicto.

Diaranson, e Departamento di Estado a confirma cu el a revoca e recorten na Somalia, Siria, Libanon, Jordania, Irak y Ecuador. Pero el a mantene e cancelacionnan pa Afganistan y Yemen, y no a provee claridad riba e destino di e yudansa den seis otro pais cu no a ser nombra.

Hasta den paisnan manera Siria y Somalia caminda e departamento a restaura yudansa, Merca lo traha hunto cu UN pa “modifica e financiamiento pa alinea miho cu e prioridatnan di e Administracion,” segun un comunicacion via e-mail. No a duna detaye adicional.

Dos oficial di USAID a bisa cu Jeremy Lewin, e persona encarga pa e desmantelacion di USAID, a revoca algun di e cancelacionnan di contractnan diamars, despues cu AP a publica un rapport. E dos fuente a papia bao condicion di anonimidad pa motibo cu nan no tin autorisacion pa papia cu prensa. Secretario di Estado Marco Rubio y otro oficialnan di e administracion di Trump a priminti cu e tipo di ayudo salbabida den e recorten lo ser salba.

Un oficial di UN a bisa cu e decision pa restaura financiamiento a bin despues di lobbying intenso pa oficialnan di UN na miembronan di Congreso.

Recorten restante por ta desastroso ainda

Senador Jeanne Shaheen, e Demócrata halto riba e Comision di Relacion Exterior di Senado, a urgi Rubio diaranson pa restaura financiamiento pa otro programanan critico tambe. “A pesar di continuo siguransa cu programanan salbabida lo ser protegi durante e ‘evaluacion’ di e Administracion di Trump riba asistencia den exterior, DOGE atrobe a pasa e weekend ta recortando yudansa di e World Food Program pa alimenta hende den crisis,” e senador a bisa den un declaracion pa AP. Esaki lo “debilita e posicion di Merca rond mundo,” el a agrega.

Merca ta e financiador mas

grandi di WFP, proveendo \$4.5 biyon di e \$9.8 biyon den donacion na e proveedor mas grandi di yudansa alimentario aña pasa. Administracionnan den pasado a mira yudansa asina como un manera pa alivia conflictonan y combati pobreza y extremismismo mientras tambe controla e fluho di migracion.

Afganistan ta trauma pa decadas di guerra

Mas cu mita di e poblacion di Afganistan — mas o menos 23 miyon hende — tin necesidad di yudansa humanitario. Esaki ta un consecuencia di decenas di conflicto — incluyendo e guerra di 20 aña entre Merca y e Taliban — pobreza persistente y desasternan climatico.

Aña pasa, Merca a provee 43% di tur su yudansa humanitario internacional pa Afganistan.

Un suma di \$560 miyon den yudansa humanitario a ser corta, segun evaluacion di oficialnan actual y anterior di USAID y organisacionnan den partnership. E suma ta inclui yudansa alimentario urgente, tratamento pa mucha desnutri, cuido medico, awa potable y tratamiento mental pa victimanan di violencia sexual y fisico. E cantidad no a ser

confirma oficialmente pa e gobierno Mericano.

Un evaluacion separa di WFP cu AP a obtene, ta mustra cu yudansa alimentario pa 2 mil-lon hende na Afganistan lo termina despues e aña aki. Mas cu 650 mil mucha y hende muhe na estado of cu ta mama lo perde sosten nutricional.

Yemen: En riesgo di hamber mortal

E pais Arabe mas pover a drenta un guerra civil na 2014 ora cu e rebeldenan Houthis sosteni pa Iran a tuma un gran parti di e norte, incluyendo e capital Sanaa. Merca a apoya un coalicion lidera pa Arabia Saudita cu a interveni un aña despues pa yuda e gobierno. E conflicto a keda den un impasse den e ultimo añanan.

E guerra a resulta den un hamber generalisa, y expertonan a adverti cu den 2024 mes algun parti di Yemen ta den riesgo di hamber mortal.

Segun e evaluacion di WFP, e recorten Mericano lo resulta den un fin di yudansa alimentario pa 2.4 miyon hende, y lo stop tratamento nutricional pa 100 mil mucha.



IN MEMORIAM Dennis Vakkers

Op 15 juli 2006 kwam Dennis Vakkers in vaste dienst op de CSA van het HOH. Vanaf het begin was Dennis een rustige, betrouwbare collega die altijd klaarstond en makkelijk contact maakte. Hij werd al snel niet alleen een fijne collega, maar ook een vriend.

Dennis had een aanstekelijke lach en een positieve energie die de sfeer op de werkvloer zichtbaar verbeterde. Zijn aanwezigheid gaf collega's zin in de dag. Hij hield van zijn motoren, maar bovenal van zijn grote liefde: Claudia van Kessel.

Dennis wist mensen te inspireren en mede door hem besloten drie waarnemers om van Aruba hun vaste thuis en werkplek te maken. We gaan Dennis ontzettend missen. Hij werd slechts 56 jaar.

Onze gedachten zijn bij Claudia, zijn familie, vrienden en collega's.



Goede reis Dennis, we dragen je mee in ons hart.

Ucrania ta bisa cu mas di 150 mercenario Chines ta bringando pa Rusia den Ucrania

(AP)—Diaranson, Ucrania a amplia su acusacion cu hopi ciudadano Chines ta bringando pa e ehército di Rusia, y ta bisa cu nan a haya informacion detaya di inteligencia tocante mas di 150 mercenario cu Moscu supuestamente a recluta via red social. Na China, oficialnan a yama e acusacionnan aki “com-

pletamente sin base.”

E acusacion di Ucrania y e nengamento di China ta surgi mientras cu Merca ta purba logra un acuerdo di alto-el-fuego den e guerra cu ta durando mas di tres aña caba. Diamars, presidente Ucrainiano Volodymyr Zelenskyy a anuncia cu e ehército di Ucrania a capta dos

hende Chines cu tabata bringando hunto cu e ehército Ruso riba tereno Ucrainiano. Esaki tabata e prome biaha cu Ucrania a bisa algo tocante bringadornan Chines den e guerra.

Diaranson, Zelenskyy a bisa cu e ta dispuesto pa haci un intercambio di dos prisionero di guerra pa soldadnan Ura-



niano cu ta den captura na Rusia. Sin muestra prueba, Zelenskyy a bisa cu oficialnan na Beijing ta consciente di e campaña Ruso pa recluta mercenarionan Chines. E no a bisa claramente si e gobierno Chines mes a autorisa e participacion di e bringadornan aki den Ucrania.

Zelenskyy a bisa cu Ucrania tin fam y dato di paspoort di 155 ciudadano Chines cu ta bringando pa e ehército Ruso, y cu “nos ta kere tin hopi mas.” El a comparti cu periodistanan documentonan cu number, number di paspoort y otro detayenan personal di e supuesto reclutadonan Chines, incluyendo e fecha cu nan a yega na Rusia pa entrenamiento militar y e fecha cu nan a sali pa completa nan servicio; AP no a verifica independiente e documentonan aki.

China a provee sosten diplomatico fuerte na Rusia desde cu el a lansa su invasion total riba Ucrania den februari 2022. China tambe a bende maquinaria y microelectronica cu por ser usa pa fabrica arma, segun oficialnan Occidental, y a yuda e economia di Rusia via comercio di energia y mercancia pa consumidor.

Oficialnan Mericano a acusa Iran di provee Rusia algun drone, mientras cu oficialnan Mericano y Sur Coreano ta bisa cu Corea di Nort a manda miles di trupa y municion pa yuda Rusia den e campo di bataya.

Cu Merca y Europa dunando gran sosten militar y diplomatico na Ucrania, e guerra a bira pa un cierto grado un competencia entre e dos bloc di poder.

**AMC UNICON IS
MY STORE!**

**AMC Unicon is expanding
Join our team!**



Open Vacancy:

- Technician (white goods and airco's)

Become a part of our team and enjoy:

- Attractive salary and benefits
- Inclusive and supportive team
- Career growth opportunities
- Ongoing training programs

Please send your CV to
jobsaruba@unicomer.com
for any additional information call: 521-1108



WWW.BONDIA.COM